

四庫全書

子部

欽定四庫全書

子部

證治準繩卷六十三

詳校官太醫院恩禮_目孔毓秀

編修臣倉聖脈覆勘

總校官進士_臣朱

鈐

校對官中書_臣吳

俊

謄錄監生

_臣胡曉春

欽定四庫全書

證治準繩卷六十三

明 王肯堂 撰

女科

雜證門

泄瀉

大泄瀉之證因腸胃虛冷而邪氣乘之經云春傷於風夏必飧泄蓋風傷肝肝木旺而尅脾土屬外因也若七

情不平臟氣受傷屬內因也若飲食生冷傷脾屬不外
內因也大法寒者溫之熱者涼之滑者澀之溼者燥之
薛前證若生冷所傷用六君木香砂仁辛熱所傷用
二陳炒連山梔麵食所傷用六君神麴米食所傷用六
君穀蘖飲食不時而傷用四君子湯飲食過多而傷用
六君子湯飲食停滯人參養胃湯脾氣虛弱者六君升
麻柴胡脾氣虛寒六君木香炮薑肝木乘脾者六君柴
胡芍藥肝火尅脾者六君芍藥山梔中氣虛而下陷者

補中益氣湯鬱結傷脾者濟生歸脾湯腎氣虛者五味子散脾氣虛者二神丸脾腎虛者四神丸命門火衰者八味丸真陽虛敗者固真丸仍與滯下方參用 侍御沈東江之內停食腹痛作瀉以六君加木香炮薑而愈後復作傳為腎泄用四神丸而安 侍御徐南湖子室瀉屬腎經不信余言專主滲泄以致不起 一婦人年踰五十不食夜飯五更作瀉二十年矣後患痢午前用香連丸午後用二神丸各二服而痢止又以二神丸數

服而食夜飯不用而形體如故 吳江史玄年母素有
血疾殆將二紀平居泄瀉飲食少思面黃中滿夏月尤
甚治血之藥無慮數百劑未嘗少減余以為脾腎虛損
用補中益氣湯送二神丸復用十全大補湯煎送前丸
食進便實病勢頓退若泥中滿忌參朮痰痞忌熟地便
泄忌當歸皆致誤事

補遺治瀉風證則胃風湯不換金正氣散寒證則理中
湯四柱散大已寒丸暑則五苓散香薷散六和湯濕則

藿香正氣戊己丸此大概而論至於通治則有諸方可
檢隨證治療然男子婦人久瀉不止無逾固腸丸之效
驗

香朴丸 治腸胃虛冷泄瀉注下無度脾虛氣閉不進

飲食

大厚朴

五兩

北藿香

白朮

陳皮

各三兩

訶子

赤

石脂

各一兩半

右為細末麵糊丸如梧桐子大空心米飲下五十丸

如常服暖脾胃

桂香丸 治臟腑虛為風濕寒所搏冷滑注下又禁老

人虛人危篤累效

附子

肉豆蔻

並炮

白茯苓

各一兩

桂心

木香

炮

白

薑

炮各半兩

丁香

二錢半

右為細末米糊丸如梧桐子大空心米飲下五十丸

豆蔻分氣飲 治臟腑虛寒泄瀉無度瘦極及婦人產

後瀉洞泄危篤甚

藿香葉 草豆蔻仁 炮 青橘皮 各四兩 甘草 丁香

各半 烏梅 五十個 肉豆蔻 十箇

右咬咀每服四錢水二盞糯米一撮煎七分去滓溫服

豆蔻丸 治臟寒泄瀉不止服諸藥不效 亦可治男子

肉豆蔻 麵裹煨香

不以多少碾細入陳米白飯搗令得所丸如菜豆大空心煮粟米飲吞下百丸本家累以此藥救人有效

人參豆蔻散 治久泄不止服諸藥無效此藥屢效

人參 肉豆蔻 乾薑 厚朴 甘草 陳橘皮

各一兩 川芎 桂心 訶子 北懷香 各半兩

右為細末每服三錢水一小盞薑三片棗一枚煎至六分服

木香散 治臟腑冷極及久冷傷脾口瘡下泄米穀不化飲食無味肌肉瘦悴心多嗔恚婦人產後虛冷下泄及一切水瀉冷痢

木香 破故紙

炒各一兩

良薑

縮砂仁

厚朴

製各七錢

半

赤芍藥

橘紅

桂心

白朮

各半兩

吳茱萸

湯泡

七次

胡椒

各二錢半

肉豆蔻

四枚

檳榔

一箇

右為散每服三錢用不經水猪肝四兩許去筋膜批為薄片重重摻藥置一鼎中入漿水一碗醋一茶腳許蓋覆煮肝熟入鹽一錢蔥白三莖細切生薑彈子許拍破同煮水欲盡空心為一服冷食之初服微瀉不妨亦是逐下冷氣少時自止經年冷痢滑瀉只是

一服渴即飲粥湯忌生冷油膩物如不能食冷物即
添少漿暖服 嘉興謝醫得此方病其繁只用漿水
煮猪肝丸如梧桐子大粥飲下五十丸亦效若暴瀉
利只是一服唯熱痢熱瀉不宜服 趙府博宜人病
泄瀉不止用附子木香訶子肉豆蔻龍骨等藥及諸
丹服之皆無效召余診之肝腎脈虛弱此肝腎虛也
府博云其說見在何經余曰諸方論泄痢止是言脾
胃病不過講風冷濕毒之所侵入及飲食傷滯遇腸

虛則泄痢而不知肝腎氣虛亦能為洩痢古書所載甚明不可不辨經曰洩痢前後不止腎虛也又曰諸厥固泄皆屬於下下謂下焦肝腎之氣也門戶東要肝之氣也守司於下腎之氣也肝氣厥而上行故下焦不能禁固而泄痢腎為胃關門戶不要故倉廩不藏也若病泄利其源或出於此而專以脾胃藥治之則膠固千里矣遂用木香散數服而愈

香連丸 治痢疾并水瀉暑瀉腹痛不問赤白神效

黃連

淨二
十兩

吳茱萸

去枝梗
十兩

右先將二味用熱水拌和入磁器內置熱湯頓一日
同炒至黃連紫黃色去茱萸用連為末每末四兩入木
香末一兩淡醋米飲為丸桐子大每服二三十丸滾
湯下久痢中氣下陷者用補中益氣下中氣虛者用
四君子下中氣虛寒者加薑桂

如金丸

好川黃連一斤分上中下三等揀開以生薑三斤先

刮下皮以皮存一處將薑搗汁如前分浸黃連一宿
先用乾壁土研細鋪鍋底又鋪厚綿紙一層上放黃
連炒燥再拌再炒如此九次方用薑皮同為細末滴
水丸

防風芍藥湯 治飧泄身熱脈弦腹痛及頭痛

防風 芍藥炒 黃芩炒
各二錢

右用水煎服

滲濕湯 治寒熱所傷身重腰冷如坐水中或小便祕

澁大便溏泄此證多因坐卧濕地或陰雨所襲而致

蒼朮 白朮

炒

甘草

炒各一兩

乾薑

炮

茯苓

各二兩

陳皮

一兩半 丁香

二錢

右每服四五錢棗水煎

茯苓湯 治濕熱泄瀉或飲食傷瀉

白朮

炒

茯苓

各五錢

右用水煎食前服一方有芍藥等分名白朮散

白朮芍藥湯 治脾經受濕水泄注下體重腹滿形體

倦怠不欲飲食或暴泄無數水穀不化

白朮

芍藥

各二錢炒

甘草

炒一錢

右水煎服

胃苓散

治夏秋之間脾胃傷冷水穀不分泄瀉不止

亦治男子

五苓散

平胃散

右和合薑棗煎空心服妙

五香散

治食魚傷泄瀉不止氣刺奔衝及婦人產前

產後腹痛血氣等疾用溫酒下產後敗血衝心用敗
蒲煎湯下安胎以糯米飲調下孕婦脾泄瀉痢煎陳
米飲調下食前

烏藥 白芷炒 枳殼 白朮炒 良薑炒 甘草 莪

朮孕者減半

右等分為細末每服二錢溫酒調下

二神丸加五味子二兩吳茱萸黃四兩名四神丸 治脾腎虛弱侵晨五更作

瀉或全不思食或食而不化大便不實神效

破故紙

四兩炒

肉豆蔻

二兩

右為末用大紅棗四十九枚生薑四兩切碎同棗用水煮熟去薑取棗肉和藥丸桐子大每服五十九空心鹽湯下

五味子散 治腎經虛弱大便不實或夜間或五更泄瀉

五味子

炒二兩

吳茱萸

半兩

右為末每服二錢空心米飲調下其效如神米糊為

丸亦可

固腸丸

人參

去蘆

蒼朮

米泔浸一宿

茯苓

木香

不見火

訶子肉

煨

烏梅肉

肉豆蔻

麵裹煨

鴛粟殼

去蒂穰

右各等分為末麵糊丸如梧桐子大每服四十九米飲下

協熱下利

大若下清水其色赤黃或米穀不化但欲飲冷時時嘔

逆小便不利得熱則極心胸煩躁脈虛大而數此由乘
虛熱入於胃湊滲下焦津液不分併於大腸謂之協熱
下利先用五苓散利小便次以玉粉丹四味阿膠丸

薛前證若胃氣虛弱用補中益氣湯肝木侮脾土用六
君子湯鬱結傷脾土用歸脾湯命門火衰用八味地黃
丸餘叅各論主之 一婦人五月間患痢日夜無度小
腹墜痛發熱惡寒余以為脾氣虛弱用六君子湯送香
連丸二服漸愈仍以前湯送四神丸四服全愈至七月

終怠惰嗜臥四肢不收體重節痛口苦乾燥飲食無味
大便不實小便頻數澀澀惡寒悽慘不樂此肺熱脾胃
虛而陽氣不伸也用升陽益胃湯而痊

玉粉丹

蛤粉 硫黃

等分

右同研細白麵糊和丸如梧桐子大每服五十九米
飲下

四味阿膠丸

黃連

赤茯苓

去皮各一兩

芍藥

三兩炒燥

阿膠

一兩

右先將三味為末却以好醋熬阿膠成稀膏丸如梧
桐子大米飲下三十丸

補遺協熱而利活人書黃芩湯赤石脂丸局方益元散
皆可

滯下

男女痢治無異已詳雜
病準繩此特撫遺耳

大夫赤白痢疾者古人名之滯下是也究疾之原皆因
外感五邪之氣內傷生硬冷熱之食其証不一有赤有

白有赤白相雜有冷有熱有虛有實大抵四時皆以胃氣為本未有不因外感寒暑燥濕風之氣而傷於脾胃脾胃既虧而又內傷飲食飲食不能克化致令積滯而成滯下古人云無積不成痢者此也經云春傷於風夏生飧泄蓋風喜傷肝然春時肝木正旺而不受邪反移氣尅於脾土然脾既受尅又不能忌慎口腹恣飧生冷粘硬之物致令脾胃不能尅化因此積滯又夏秋之間或再感暑濕風冷之氣發動而成痢也其證必先臍腹

疔痛洞泄水瀉裏急後重或有或無或赤或白或赤白
相雜日夜無度如有此證不問冷熱虛濕但當先服神
朮散可以發散風冷寒濕之氣次服五苓散分利水穀
兼用加已感應丸溫脾胃去積滯或六神丸未有不安
者也或曰雖古人有言無積不成痢亦不專以去積為
先豈有一歲之內獨於夏秋之間人皆有積而春冬無
之蓋風邪入胃木來勝土不為暴下則為痢疾其神朮
散要藥也又有一方一郡之內上下傳染疾狀相似或

只有一家長幼皆然或上下隣里間相傳染或有病同而證異亦有證異而治同或用溫劑而安或用涼藥而愈有如此等是毒疫痢也治疫毒痢者雖當察五運六氣之相勝亦不可狎泥此說且如運氣相勝豈獨偏於一方一郡而偏於一家一巷者乎如有此證當先察其虛實冷熱首以敗毒散多加人參甘草陳米薑棗煎服及三黃熟艾湯黃連阿膠九五苓散駐車丸可選而用之如下痢赤多或純下鮮血裏急後重大便不逆身體

壯熱手足心熱之煩躁渴腹脇脹痛小便赤澀六脈洪
大或緊而數或沈而實此熱痢也宜白頭翁湯及三黃
熟艾湯五苓散可選而用之若風痢下血太過宜用胃
風湯加木香黑豆煎服若夏秋之間下痢或赤或白或
赤白相雜臍腹疼痛裏急後重增寒發熱心胸煩悶躁
渴引飲嘔逆惡心小便不利及五心煩熱六脈虛弱此
等脈證正因伏暑而得此疾宜服香薷散加黃連甘草
當歸酒水濃煎沈冷

雜病
傷暑

頓服仍急服酒蒸黃連丸或

小柴胡湯加人參煎服必愈

沈內翰云治痢之藥極多然無如此藥之妙蓋小柴

胡湯能治暑毒

如雜證一退而痢尚未止則以四物湯加膠艾

煎服以調陰陽未有不安者也如水穀不分小便不利
宜用五苓散淡竹葉煎湯調服如煩渴甚者亦宜服之
若不明伏暑之證但以脈虛而妄投硫附薑桂丹石之
藥而殺之深可歎息若下痢純白狀如魚腦臍腹冷痛
日夜無度手足逆冷或有嘔逆全不入食欲食欲溫而
惡冷六脈微細此由臟腑虛冷之極宜木香散加服四

味理中湯及鍾乳健脾丸甚者四肢逆冷六脈沈絕當一味峻補兼灸氣海丹田二穴更以助胃之藥此守而不攻之意也宜四順附子湯三建丹白丹加味參附湯薑附湯皆可選用如年尊虛弱之人或素來稟受怯弱亦宜以此法詳酌調理然大宜開胃進食為先食可得入則脾胃運化糟粕便聚糟粕既成垢膩鮮血瘀滯不患其不隕矣如久痢不差腸滑不禁溏洩不止諸藥無效方可施之瀉腸止痢之劑亦宜先以龍骨肉豆蔻訶

子鍾乳胡粉之藥近人多用鴛粟殼地榆之屬然此物性太緊澁能損胃氣如少壯之人壯健者服之間奏奇效若是疫毒受暑受濕之證及年尊之人或稟受怯弱服此莫不受其大害若以固秘澁腸為先則風寒暑濕之邪非惟澁而不去而胃管閉而不通禁口不食日見羸瘦糟粕不入腸中所患無由可除矣若有此證宜以參苓白朮散四君子湯及以石蓮山藥之劑治之必愈治痢欲投補藥必須有溫通之意在焉如四君子湯理

中湯十全湯加木香白豆蔻茯苓官桂厚朴之屬可以散風邪可以分水道可以開胃管可以治纏擾可以通祕澁此攻守之意兩全也大抵治痢之法虛者補之實者瀉之滑者澁之閉者通之有積者推之風則散之暑則滌之濕則燥之熱則涼之冷則溫之冷熱者調之以平為期不可以過此為大法 祭酒林謙之說醫人劉從周治病有功議論殊不凡且有驗云大凡痢疾不問赤白而為冷熱之證若手足和暖則為陽只須服五苓

散用粟米飲調下次服感應丸二十九即愈若覺手足厥冷則為陰當服暖藥如已寒九附子之類如此治痢無不效此方親曾用有效有人夏月患痢一日六七十行用五苓散兩服止薛東垣云太陰經受濕水瀉變濃血脾傳於腎者謂之賊邪難愈先痢而後瀉者謂之微邪易痊若厥陰經下痢脈沈遲手足厥逆用麻黃小續命湯汗之若身冷自汗小便自利脈微嘔吐用漿水散溫之若脈疾身動下迫聲響用白朮芍藥湯脈沈身

靜飲食不入用薑附湯身體沈重四肢不舉用朮附湯
竊謂前證若飲食停滯用六君子湯以補脾胃消飲食
若胃氣下流用補中益氣湯以補脾胃升元氣若風傷
腸胃宜用神朮散以補脾胃解外邪若痰積中焦宜用
六神丸以補脾胃化痰滯大凡脾胃虛弱宜補中氣調
飲食 一老婦食後因怒患痢裏急後重肛門脫下此
脾氣下陷用大劑六君加附子肉蔻煨木香各一錢吳
茱五分骨脂五味各一錢五分二劑諸證悉退惟小腹

脹悶此肝氣滯於脾也與調中益氣加附子木香五分
四劑而愈後口內覺鹹此腎虛水泛與六味地黃丸二
劑頓愈又以飲食失宜大便不實四肢逆冷此脾胃復
傷與六君加附子五分及八味丸而愈 先太宜人仲
夏患痢腹痛去後無度煩渴飲湯手按腹痛稍止脈鼓
指而有力此真氣虛而邪氣實也急用人參五錢白朮
茯苓各三錢陳皮炙草升麻附子各一錢服之即睡覺
而索食脈證頓退再劑而安此取證不取脈也其時同

患是證服痢藥者俱致不起惜哉 陳曾有一婦人病痢疾閱四十日服諸藥不愈召予診之六脈沈弱大凡下痢之脈宜沈宜弱但以十全大補湯薑棗煎成加白蜜半匙再煎數沸服之愈 甲子夏秋間趙經畧姪孫病痢甚重召小方脈未至命予診之六脈平細以證觀之云是血痢其實非也只是血水而已予記調中湯治狀云治夏月初秋忽有暴寒折於盛熱結入四肢則壯熱頭痛寒傷於胃則下痢或血或水或赤壯熱冥困脈

數宜服此遂合之去大黃服之而愈 又有一婦女泄瀉不止似痢非痢似血非血其色如濁酒召予診之則六脈沈絕衆用熱藥及丹藥服之則發煩悶僕先用敗毒散數服加陳米煎次用胃風湯加粟米煎服愈又調中湯去大黃亦療此證

大白頭翁湯 治熱痢下血連月不瘥

白頭翁

二兩

黃連

黃蘗皮

秦皮

各三兩

右咬咀每服四錢水一盞半煎至七分去滓無時溫

服

神朮散 治春傷於風夏生飧泄大治傷風頭痛項背

拘急鼻流清涕

蒼朮

一斤藁本

川芎

各六兩

羌活

四兩

粉草

二兩六錢

細辛

一兩六錢

右為粗末每服三錢水一盞薑三片煎七分要出汗
加蔥去滓稍熱服無時候

六神丸 治赤白痢疾

神麴

別為末
留作糊

麥芽

茯苓

枳殼

木香

煨白痢
倍之

黃連

赤痢倍之
各等分

為末用神麴末作糊為丸桐子大每服五十丸赤痢甘草湯下白痢乾薑湯下赤白痢乾薑甘草湯下

東山堯殿講云是京城醫官見傳子詳此方有黃連可以解暑毒和藏府厚腸胃有木香能溫脾胃逐邪氣止下利有枳殼能寬腸胃有茯苓能利水道有神麴麥芽可以消滯真痢門之要藥也

三黃熟艾湯 治傷寒四五日大下熱痢時作白通湯

諸藥多不止宜服此湯除熱止痢亦有人作丸子熟水吞下四五十九治時行毒痢良驗

黃芩 黃連 黃蘗

各二分 熟艾

半箇雞子大

右㕮咀每服三錢水一盞煎七分去滓溫服無時

四順附子湯

生附子

去皮臍

白薑

炮

甘草

人參

各一兩

右㕮咀每服四錢水二盞煎至七分去滓空心服吐

瀉腹痛加桂半兩小便不利者加茯苓半兩大凡痢疾雖體寒手足逆冷冷汗自出六脈沈伏不宜輕用附子多因伏暑而得此疾亦有冷汗自出四肢逆冷六脈虛弱但背寒面垢或面如塗油齒乾煩冤躁渴引飲此伏暑證也小柴胡湯五苓散酒蒸黃連丸必能奏效學者宜精思耳

三建丹

陽起石

煨飛半兩

鍾乳粉

一兩

大附子

炮取末

半兩

入藥一半作糊一半

右用附子糊丸如梧桐子大每服五丸至十丸空心
溫酒下如渴參湯下

加味參附湯

大附子

二兩
半炮

大人參

五兩

右二味咬咀每服四錢水二盞薑十片丁香十五粒
米一撮煎至七分空心溫服

香茸丸

治下痢危困

麝香

半錢別研
臨時入

鹿茸

一兩火燎去毛酥炙
黃為末入麝香令勻

右以燈心煮棗肉為丸如梧桐子大每服五十丸空心服 繆立夫云有醫者每料入滴乳香半兩尤有效紹興中患痢疾多徃徃而死凡平時所用治痢如鷲粟殼之類不可向口惟服此藥及沒石子丸愈

調中湯

葛根 黃芩 芍藥 桔梗 藁本 赤茯苓

白朮 甘草

炙各等分

右咬咀每服三錢水一盞煎至七分去滓溫服移時

再服

胃風湯

治風冷乘虛客於腸胃以致水穀不化泄瀉

注下或腸胃濕毒下如豆汁或下瘀血

人參 白茯苓 芎藭 肉桂 當歸 白芍藥

炒白朮 炒各等分

右每服三二錢入粟米數粒水煎空心食前熱服

水煮木香丸

治久痢裏急後重日夜無度其效如神

鴛栗殼

去穰三兩

青皮

去白

甘草

炒各二兩四錢

訶子

炮去核八兩

當

歸 木香

各六兩

右為末煉蜜丸彈子大每服一九水煎化空心服

戊巳丸 治胃經受熱泄痢不止或飲食不入腹痛不

止

黃連

炒

吳茱萸

去梗炒

白芍藥

各五兩

右為末麵糊丸桐子大每服三十丸食前米飲下

升陽除濕防風湯 如大便閉塞或裏急後重數至圇

而不能便或有白膿或兼下血此鬱結而不通也以

此湯舉其陽則陰氣自降矣慎勿利之

蒼朮

米泔浸
四錢

防風

二錢

白朮

炒

白茯苓

白芍藥

各炒

一錢

先將蒼朮用水一鍾半煎至一鍾內諸藥同煎至八分食前熱服夫飲食入胃其氣上升輸精心肺然後下降若脾胃有傷不能上升下流肝腎而成泄利法宜升補中氣不可疎下此東垣發前人所未論也

三黃丸

治熱痢腹痛或口舌生瘡咽喉齒痛及一切

實火之證

黃芩 黃連

黃蘗 各等分

右各另為末水糊丸桐子大每服七八十九白湯下
芍藥湯 治熱痢便血後重經曰溲而便膿血此氣行
而血止也行血則便膿自愈調氣則後重自除

芍藥

炒一兩

當歸

黃連

炒各半兩

檳榔

木香

甘草

炙各二錢 桂 二錢

五分 黃芩

炒三錢

右每服半兩水煎如不減加大黃此證外有因中氣

虛弱脾氣鬱結者治當審察

酒蒸黃連丸 薑附湯 小柴胡湯 參苓白朮散

預連飲 香薷散 敗毒散 理中丸 黃連阿膠丸

駐車丸 真人養臟湯 五苓散 感應丸

亦有蘇合香

九和丸和名蘇感丸亦有外
加黃蠟丸桐子大十粒兼服

以上諸方並見證治類方泄痢各門不復重錄

痢後嘔噦

大凡滯下病之稍久或欲愈之時多有咳逆及嘔逆之

證然咳逆者古人之所謂噦是也噦者腎寒所生此證最危其他病亦惡欬逆如見此證宜用橘皮乾薑湯半夏生薑湯丁香柿蒂湯若陽證欬逆者小柴胡湯橘皮竹茹湯予嘗治一痢疾欬逆不止六脈沈弱諸醫用藥灼艾皆無效僕投退陰散兩服愈又嘗治許主簿痢疾愈後咳逆不止服諸藥無效遂灸期門穴不三壯而愈

穴見鍼灸準繩

如有嘔逆之證難經云無陰則嘔然多有胃熱而嘔亦有胃寒而生亦有暑毒而生如胃熱而

嘔宜用小柴胡湯孫兆竹茹湯蘆根湯官局桔梗湯竹
葉石膏湯加生薑主之嘔而發渴者豬苓湯 又嘗治
一刺後嘔不止六脈虛弱此胃寒而嘔又似暑毒凝於
胃脘投局方香薷丸而愈

橘皮乾薑湯 治噦

橘皮 通草 乾薑 桂心 甘草 各四錢 人參 二錢

右呖咀每服四錢水一盞煎至七分去滓溫服

半夏生薑湯 治噦欲死

半夏

一兩一分洗

生薑

二兩切

右以水二盞煎至八分去滓分為兩服

丁香柿蒂湯

治咳逆

丁香

十粒 柿蒂

十五枚

右以咀用水一盞半煎至八分去滓熱服

橘皮竹茹湯

治噦逆

橘皮

甘草

各二兩

半夏

一兩湯洗

人參

半兩

竹茹

一升

右以咀每服四錢水二盞生薑六片棗一枚煎至七

分去滓溫服

生薑橘皮湯 治乾嘔噦若手足厥冷者

橘皮

四兩 生薑 半斤

右㕮咀每服半兩水一盞煎至七分去滓溫服

退陰散 本治陰毒傷寒手足逆冷脈沈細頭痛腰重
連進三服小小傷冷每服一字入正元散內同煎加
鹽少許陰毒傷寒咳逆煎一服細細熱呷即止

乾薑

川烏頭

各等分

右為粗末炒令黃色候冷搗為末每服關錢水一盞
鹽一捻煎至半盞服

豬苓湯 治咳而嘔渴心煩不得眠

豬苓 赤茯苓 澤瀉 阿膠炒 滑石各半兩

右以咀每服三錢水一盞煎候膠消盡服

補遺倉廩湯 治痢疾心煩手足溫頭痛如脾胃脈不

弱此乃毒氣上衝心肺所以嘔噦而不食宜倉廩湯

即敗毒散是

每服四錢入陳倉米百粒薑五片棗一枚煎溫服若
脈微弱或心腹虛脹手足厥逆初病則不嘔因服罌
粟烏梅苦澁過多以致聞食先嘔此乃脾胃虛弱用
山藥一味剉小豆大一半生用一半銀瓦礮內炒熟
同為末米飲調下

又治噤口痢以石蓮子去殼留心并肉為末每二錢陳
米飲調下此疾蓋毒上衝心肺借此以通心氣

痔瘻

大婦人痔瘻因鬱怒風熱厚味膏粱所致其名有五肛
邊如乳出膿者為牝痔腫脹出血者為牡痔痒痛者為
脈痔種核者為腸痔登廁出血者為血痔治宜審之

前證婦人多因胎產經行飲食起居六淫七情失調所
致男子多因醉飽入房筋脈橫解精氣脫泄熱毒乘虛
而患或入房強固其精木乘火勢而侮金或炙燂厚味
陰虛濕熱宜涼血潤燥疎風潰後當養元氣補陰精不
愈即成痔漏有串醫串陰穿腸者其腸頭腫塊者濕熱

也作痛者風也便燥者火也潰膿者熱勝血也大便作痛者潤燥除濕肛門墜痛者瀉火導濕小便瀉滯者清肝導濕經云因而飽食筋脈橫解腸辟為痔證屬肝腎不足故用加味地黃及六味丸有效慎勿敷毒藥及服寒涼之劑

鼈甲散 治五種痔漏膿血淋漓或腫痛堅硬下墜

鼈甲 露蜂房 蛇蛻 豬後懸蹄 蛻皮

五味燒存

性各
二錢 麝香一分

右為末每服一錢空心生地黃煎湯調下更傳之

又方熱痛用寒水石朴硝為末以津調搽 治法并
方詳雜病痔門茲不重錄

脫肛

大脫肛者大腸之候也大腸虛寒其氣下陷則肛門翻
出或因產努力其肛亦然也 薛前證若大腸濕熱用
升陽除濕湯若血熱用四物條芩槐花血虛用四物白
朮茯苓兼痔痛用四物槐花黃連升麻中風虛弱用補

中益氣湯加芍藥白朮中氣虛寒加半夏炮薑五味腎
虛用六味丸虛寒用八味丸夫肺與大腸為表裏肛者
大腸之門肺實熱則秘結肺虛寒則脫出腎主大便故
肺腎主大便故肺腎虛者多有此證 一婦人脫肛用
補中益氣加味歸脾各百餘劑而愈後因分娩復脫仍
以前藥各二百餘劑始愈

升陽除濕湯 自下而上者引而竭之

升麻 柴胡 防風 神麴炒 澤瀉 豬苓

各半兩

蒼朮

一兩

陳皮

甘草

炙

大麥蘖

各三錢

三

右每服五錢水煎空心服胃寒腸鳴加益智仁半夏

各半錢薑棗同煎服

姚和衆以鐵粉傳之良

聖惠方亦治陰脫陰腫

集驗方以生鐵三斤水一斗煮至五升取水日洗二次

孫真人用蝦蟇皮瓶中燒多烟熏功效玄微 一方用

五倍子煎湯洗以赤石脂末摻上托入或脫長者以

兩牀相並中空尺許以磁瓶盛湯令病人仰卧浸瓶

中逐日易之收盡為度

前陰諸疾

陰腫大夫婦人陰腫者是虛損受風邪所為胞絡虛而有風邪客之風氣乘於陰與血氣相搏令氣否澁腠理壅閉不泄越故令腫也 薛前證若氣血虛弱用補中益氣湯舉而補之肝經濕熱用龍膽瀉肝湯滲而清之若陰腫陰痒陰冷陰挺當與後論互相參看 一婦人陰中腫悶小便澀滯兩脇作腫內熱晡熱月經不調時

或寒熱此因肝脾鬱怒元氣下陷濕熱壅滯朝用歸脾湯加柴胡升麻解鬱結補脾氣升元氣夕用加味逍遙散清肝火生肝血除濕熱各數劑諸證悉愈又用四君芎歸丹皮調補肝脾而經水如期

菖蒲散 治婦人月水澁滯陰間腫痛

菖蒲 當歸 各一兩半 秦艽 半兩 吳茱萸 半兩

兩炒

右為粗末每服三錢水一盞蔥白五寸煎至六分空

心溫服

經心錄方治婦人陰中腫痛不可忍

艾葉

五兩

防風

三兩

大戟

二兩

右剉細以水一斗煮取五升熱洗日三次切宜避風冷

古今錄驗治婦人陰腫或瘡爛者麻黃湯洗方

麻黃

黃連

蛇牀子

各二兩

北艾葉

一兩半

烏梅

十箇

右剉細以水一斗煮取五升去滓熱洗避風冷

又方治婦人陰腫堅痛白礬散

白礬

兩甘草

半生

大黃

一分

右為細末每用棗大綿裹內陰中日兩換

肘後方 療陰中腫痛 枳殼半斤炒令熟以故帛裹

熨冷即換之

子母祕錄療陰腫 鐵精粉傅上

補遺方治陰門腫以甘菊苗斫爛百沸湯淋洗熏浸

又方小麥朴硝白礬五倍子蔥白煮水洗 又方陰

腫大馬鞭草搗爛塗之

陰痒大夫婦人陰痒者是蟲蝕所為三蟲在於腸胃之間因臟虛三蟲動作蝕於陰內其蟲作熱微則為痒重者乃痛也 薛前證屬肝經所化當用龍膽瀉肝湯逍遙散以主其內外以桃仁研膏和雄黃末或雞肝納陰中以制其蟲 一婦人胸膈不利內熱作渴飲食不甘肢體倦怠陰中悶痒小便赤澇此鬱怒傷肝脾所致用歸脾湯加山梔而愈復因怒患處并小腹脹痛用小柴胡加山梔芍歸芍藥痛止用逍遙散加山梔而愈又因

勞役患處腫脹小便仍瀉用補中益氣加山梔茯苓丹皮而痊 一婦人陰內痛痒不時出水食少體倦此肝脾氣虛濕熱下注用歸脾加丹皮山梔芍藥生草主之而安 一婦人陰內痒痛內熱倦怠飲食少思此肝脾鬱怒元氣虧損濕熱所致用參耆歸朮陳皮柴胡炒梔車前升麻芍藥丹皮茯苓而瘥若陰中有蟲痒痛亦屬肝木以桃仁雄黃研納陰中以殺之仍用清肝解鬱之藥有以雞肝納之者乃取蟲之法也一方搗新桃葉綿

裏納陰中日三兩易

大黃散 治婦人陰痒

大黃

微炒

黃芩

黃耆

炙各一兩

赤芍藥

玄參

丹參

山茱萸

蛇牀子

各半兩

右為細末食前溫酒調二錢服

廣濟方療婦人陰痒不止

蚶蛇膽

雄黃

硫黃

硃砂

硝石

蕪夷

各半

兩

藜蘆

二錢半

右為細末研停以臘月豬脂和如膏用故布作纏子如指長一寸半以藥塗上內陰中日一易之易時宜用豬椒根三五兩水煮稍熟洗乾拭內之效

又方 小蘗不拘多少水煮作湯熟洗日三用之

崔氏療陰痒不可忍方 杏仁燒作灰乘熱綿裹內陰中日二易之

又方 蒜煮湯洗之 一方用枸杞根 又方 狼牙

二蛇床子兩以水三升煮十沸熟服 又方取雞肝

乘熱內陰中如有蟲蟲當盡下

又方 取牛肝截五寸繩頭內陰中半日蟲入肝出之
豬肝亦得

聖惠方療陰中有蟲痒且痛目腫身黃欲得男子漏血
下白少氣思美食用鯉魚長一尺去頭肉取骨搗末
熬黃黑以豬脂和以絹袋盛如常法內陰中至痛處
即止蟲當自出

陰痛千金療小戶嫁痛連日方

甘草

生薑

各三分

白芍藥

桂心

各二分

右細剉以酒二升煮取三沸去滓溫服神

又療小戶嫁痛單行方

牛膝

五兩

右一味切酒三升煮至二升分三服

又療婦人嫁痛單行太和湯

大黃

三兩

右一味切以酒一升煮一沸頓服

又療婦人小戶嫁痛海螵蛸散

烏賊魚骨

二枚

右一味燒研細末酒服方寸匕日三

補遺治陰腫不下小戶嫁痛

冬青葉 小麥 甘草

右等分水煎洗

危氏方治婦人陰痛用青鹽炒熟以布裏熨之

陰瘡大婦人陰瘡者由三蟲或九蟲動作侵蝕所為也

諸蟲在人腸胃之間若臟腑調和血氣充實不能為害若勞傷經絡腸胃虛損則動作侵蝕於陰輕者或痒或痛重者生瘡診其少陰之脈滑而數者陰中生瘡也

薛前證乃七情鬱火傷損肝脾濕熱下注其外證陰中出如蛇如菌或如雞冠狀或生瘡濕痒或潰爛出水或腫悶墜痛其內證體倦內熱經候不調或飲食無味晡熱發熱胸脇不利小便痞脹或赤白帶下小水淋瀝其治法腫痛者四物湯加柴梔丹皮膽草濕痒者歸脾湯

加柴梔丹皮淋瀝者龍膽瀉肝湯白朮丹皮瀆腐者逍
遙散山梔川芎腫悶墜痛者補中益氣湯山梔丹皮佐
以外治之法 一婦人腐潰膿水淋漓腫痛寒熱小便
赤瀉內熱作渴肢體倦怠胸脇不利飲食少思余以為
肝脾虧損用補中益氣內柴胡升麻各用一錢加茯苓
一錢山梔二錢數劑少愈又與歸脾湯加山梔川芎茯
苓三十餘劑諸證悉退惟內熱尚在再與逍遙散倍用
山梔而愈 一婦人素性急陰內痛小便赤澀怒而益

甚或發熱或寒熱此肝經濕熱所致用芍歸炒梔柴胡
苓朮丹皮澤瀉炒芍車前炒連生草數劑漸愈乃去黃
連澤瀉又數劑全愈

補心湯

危氏

治陰中生瘡名曰蠹瘡或痛或痒如蟲行狀

淋瀝膿水

白茯苓

人參

前胡

半夏

湯洗七次去滑

川芎

各三分

枳殼

去穰麤炒

紫蘇

桔梗

甘草

炙

橘皮

乾薑

各半

兩

當歸

一兩三分

白芍藥

二兩

熟地黃

一兩半

右劉散每服四錢水盞半薑五片棗一枚同煎食前服

藿香養胃湯

危氏

治陽明經虛不榮肌肉陰中生瘡不愈

藿香 白朮 白茯苓 神麴 炒 烏藥 去木 縮砂仁

薏苡仁 半夏麴 人參 各半兩 華澄茄 甘草

炙各三錢半

右劉散每服四錢水盞半薑五片棗三枚同煎不以時候

治陰瘡方

千金

蕪荑 芎藭 黃芩 甘草 礬石 雄黃 附

子 白芷 黃連

各六錢

右㕮咀取豬膏四兩合前傳之

治婦人陰瘡與男子妬精瘡大同小異方

黃丹 枯白礬 篇蓄 藁本 各一兩 硫黃 半兩 白蛇

皮

一條燒灰

荊芥 蛇床子

各半兩研極細

右細末另以荊芥蛇床子煎湯溫洗軟帛溲乾清油

調塗如瘡濕乾末摻之

治疳瘡因月後便行房致成湛濁伏流陰道疳瘡遂生
搔痒無時先用胡椒蔥白作湯一日兩三度淋洗却
服後藥

赤石脂 龍骨 黑牽牛炒 兔絲子酒浸 黃耆鹽水

炒 沙苑蒺藜炒

右為末蜜丸梧桐子大每服二十九丸燕窩蒸酒澄上
清者吞下

肘後方 療女人陰中生瘡

杏仁 雄黃

礬石

各二分

麝香

二分半

又方 用硫黃研細傳之

古今錄驗療婦人陰中生瘡黃芩湯洗方

雄黃

當歸

黃芩

川芎

大黃

礬石

各二分

黃連

一分

右七味切以水五升煮取四升洗瘡日三度

雄黃散

雄黃 川芎 辰砂 藜蘆 北細辛 當歸

川椒

右為末綿裹內陰中又傳外瘡上忌如常法

當歸湯 治婦人陰蝕瘡凡婦人少陰脈數而滑陰中

必生瘡名曰羶瘡或痛或痒如蟲行狀淋漓膿汁陰蝕幾盡者此皆由心神煩鬱胃氣虛弱致氣血流滯故經云諸痛痒瘡皆屬於心又云陽明主肌肉痒痛皆屬於心治之當補心養胃外以熏洗坐導藥治之

乃可

當歸 芍藥

甘草

川芎

各二兩

地榆

三兩

右細切以水五升煮取二升去滓熏洗日三夜二
一方用蛇床子不用川芎

又方

五倍子

甘草

滑石

黃丹

等分
為末

先以甘草湯洗然後傳之

又方 真平胃散加貫衆末每二錢煮熟豬肝拌藥內

陰戶數日可安

陰痔治婦人陰中生痔凡九竅有肉突出者皆名為痔
用烏頭七箇燒存性用小瓦礮盛礮醋淬之乘熱熏
候通手沃之良

洗方 治茄子疾

用茄皮白礬馬樁頭根朴硝澤蘭煮水熏洗加入炒
石灰少許炒

傳藥 治茄子疾

用朴硝為末黃荆柴燒漚調傳或濃鐵漿水調傳

又方 治茄子疾

用硫黃一兩大鯉魚一尾去頭皮入硫黃魚肚中故紙裹黃泥固濟火煙燬盡為末米糊丸梧桐子大每服二十九溫酒下如下疽生蟲所下如柿汁臭穢心中疔痛悶絕虛煩甚者不可治

治茄子疾心躁連綿黃水易治白水難愈

用生枳殼為散煎湯熏洗却用絹帛包枳殼滓納入

陰中即日漸消

陰挺下脫大婦人陰挺下脫或因胞絡傷損或因子臟
虛冷或因分娩用力所致 薛前證當升補元氣為主
若肝脾鬱結氣虛下陷用補中益氣湯若肝火濕熱小
便瀉滯用龍膽瀉肝湯 一婦人陰中突出如菌四圍
腫痛小便頻數內熱晡熱似痒似痛小便重墜此肝脾
鬱結蓋肝火濕熱而腫痛脾虛下陷而重墜也先以補
中益氣加山梔茯苓車前子青皮以清肝火升脾氣更

以加味歸脾湯調理脾鬱外以生豬脂和藜蘆末塗之而收 一婦人陰中挺出五寸許悶痛重墜水出淋漓小便瀉滯夕與龍膽瀉肝湯分利濕熱朝與補中益氣湯升補脾氣諸證漸愈再與歸脾湯加山梔茯苓川芎黃蘗間服調理而愈後因勞役或怒氣下部濕痒小水不利仍用前藥即愈

三茱丸 治陰中生一物 大牽引腰腹膨痛至甚不思飲食皆因多服熱藥及煎燂或犯非理房事蕙意

淫不遂名陰挺

食茱萸

吳茱萸

湯浸微炒

桔梗

水浸漉出慢火炒

白蒺藜

青皮

去白

山茱萸肉

微炒

舶上

藁香

淘去砂土焙乾各一兩

五味

子

淨揀

海藻

洗焙

大腹皮

酒洗晒乾

川楝子

去核

玄胡索

各一兩二

半錢

右為末酒糊為丸如梧子大每服三五十九木通湯

下下虛加川烏炮玄皮肉桂去粗皮各一兩腰腹痛

甚加桃仁去皮尖麩炒別研青皮去白枳實去穰各

一兩真南木香七錢半服之一方每服二錢生地黃
湯調仍用金毛狗脊五倍子白礬水楊根魚腥草山
黃連各一兩為散分作四服以有嘴瓦礮煎熟預以
銀錫作一長小筒下透罐嘴嘴上貫挺上先熏後洗
立效更服白薇散凌霄花少許煎

一捻金丸 服前藥未效却用

玄胡索 舶上懷香 吳茱萸 炒 川楝子 去核 青皮

香

各二兩

右為末粳米飯糊丸如梧桐子大每服三十五丸空心木通湯服又用梅花腦子半錢鐵孕粉一錢水調刷上如陰畔生庖以涼血飲每服三錢加凌霄花少許煎空心服見効

黃芩散 治婦人陰挺脫出

黃芩

蛻皮

炒微焦

當歸

各半兩

赤芍藥

一兩

牡蠣

竹

皮

各二兩

狐莖

一具二兩用狐皮

右治下節飲服方寸七日三禁舉重房勞冷食一

方以酒服二錢妙

治婦人陰挺出下脫方

桂心

一方作川椒

吳茱萸

一兩生用

戎鹽

二兩

右藥並熬令色變搗羅為末以綿裹如指大內陰中
日再易之甚妙

又方

川椒

川烏頭

並生用

白芨

各半兩

右搗羅為末綿裹一錢內陰中深三寸腹中熱即止

來日再用之 一方無川椒

又方

蛇床子

五兩 烏梅 二十七枚

以水五升煮取三升去滓稍熱洗之每日夜三五度

用

又方

硫黃

烏賊魚骨

各半兩

搗羅為末傳之

又方 鐵精細研以羊脂調布裹炙令熟熨之以瘥為度

又方 敝帚頭燒為灰酒服方寸匕食前服

治婦人陰下脫若肚方

用羊脂煎訖適冷暖取塗上以鐵精傅之多少令調以火炙布令煖熨肛上漸塗內之然後末磁石酒服方寸匕日三

熏洗法 用荊芥穗臭椿樹皮藿香葉煎湯熏洗即入

托藥 用苧麻子藥有九角者好飛過白礬為末以紙片攤藥托入

摻藥 先以淡竹根煎湯洗仍用五倍子白礬為末乾摻立效

敷藥 用溫鹽水洗軟却用五靈脂燒煙熏次用苧麻子研爛塗上吸入如入即洗去

陰冷大婦人陰冷因勞傷子臟風冷客之 薛前證屬肝經內有濕熱外乘風冷所致若小便澀滯或小腹痞

痛用龍膽瀉肝湯若內熱寒熱或經候不調用加味逍
遙散若寒熱體倦飲食少思用加味四君子若鬱怒發
熱少寐嬾食用加味歸脾湯 一婦人陰中寒冷小便
黃澁內熱寒熱口苦脇脹此因肝經濕熱用龍膽湯祛
利濕熱用加味逍遙散調補氣血而安 一婦人所患
同前更寒熱嘔吐兩股腫痛先用小柴胡加山梔一劑
寒熱嘔吐頓止次用龍膽瀉肝湯一劑腫痛頓消 一
婦人陰中寒冷小便澄清腹中亦冷飲食少思大便不

實下元虛寒治以八味丸月餘諸證悉愈

五加皮浸酒方

聖治婦人瘳瘦陰冷

五加皮

熟乾地黄

丹參

杜仲

去粗皮炙微黃

蛇床

子

乾薑

各三兩

地骨皮

二兩

天門冬

一兩

鍾乳

四兩

右細剉以生絹袋盛以酒一斗五升漬二宿後每服

暖一大盞空心及晚食前服一方用枸杞子無地骨

皮

治婦人陰冷方

出大全良方

遠志

乾薑

生用

蓮花

各半兩

蛇床子

五味子

各一兩

右搗羅為末每用煎以免糞塗陰門用綿裹一錢內陰中熱即為效

又方

蛇床子

三分

吳茱萸

甜葶藶

各半兩

沒石子

一枚

搗羅為末綿裹棗許大內陰中令腹內熱為度

又方

蛇床子

一兩 吳茱萸 半生

搗羅為末煉蜜和丸如酸棗大以綿裹內陰中下惡物為度一方用麝香

溫中坐藥 用蛇床子為末白粉少許和勻相得如棗大綿裹內之自然溫矣為效

八味丸 治血弱不能榮養臟腑津液枯澀風寒客於

子臟以致陰冷

方見雜症虛勞

愚按此丸果係肝脾腎虛

殊有神效

胎前產後方具本門

交接輒血出痛薛一婦人每交接出血作痛此肝火動脾而不能攝血用補中益氣濟生歸脾二湯而愈若出血過多而見他證但用前藥調補肝脾

千金療女人交接輒血出方

桂心 伏龍肝

各二分

為末酒服方寸匕瘥止

又方

黃連

六分牛膝

甘草

四分

右三味細切以水四升煮取二升洗日三四度瘥

補遺以熟艾緊裹一團然後以絹裹內陰中

交接他物所傷薛治一婦人交接出血作痛發熱口渴
欲嘔或用寒涼藥前證益甚不時作嘔飲食少思形體
日瘦余曰證屬肝火而藥復傷脾所致也先用六君加
山梔柴胡脾胃健而諸證愈又用加味逍遙散而形氣
復一婦人陰腫下墜悶痛出水胸腹不利小便頻數

內熱晡熱口苦耳鳴此肝脾火證用小柴胡加車前膽
草苓朮升麻二劑稍愈又用加味逍遙加升麻數劑漸
愈乃以加味歸脾加升麻柴胡并補中益氣加山梔數
劑頓愈仍用加味逍遙加味歸脾二藥調理全愈一
婦人患前證熱痛或用寒涼敗毒藥飲食不入時欲作
嘔小腹重墜余謂此脾胃復損元氣下陷先用補中益
氣湯加炮薑二劑重墜頓愈又加茯苓半夏二十餘劑
而愈乃以歸脾湯少加柴胡升麻并六味地黃丸而康

集驗方 療女人交接陽道違理及他物所傷犯血流
滴不止方取釜底墨斷葫蘆塗藥內之

又療女童交接陽道違理血出不止方 燒髮并青皮
末為粉塗之

又方 割雞冠血塗之

補遺以赤石脂末摻之又方五倍子末摻亦良

傷丈夫頭痛薛當用補中益氣六味地黃以滋化源為

主

集驗方 療女人傷丈夫四體沈重噓吸頭痛方

生地黃

八兩

芍藥

五兩

香豉

一斤

蔥白

一斤

生薑

四兩

甘草

二兩

右六味以水七升煮取二升半分三服不得重作忌

房事

千金翼療諸婦人傷丈夫苦頭痛欲嘔悶桑白皮湯

桑白皮

半兩

乾薑

一斤

桂心

五寸

大棗

二十枚

右四味切以酒一斗煮三四沸去滓分溫服衣適厚

薄母令汗出

補遺局方來復丹治婦人與男子交接損傷因而四肢
沈重頭痛昏暈米飲吞下五十丸

與鬼交通

大夫人稟五行秀氣而生承五臟神氣而養若陰陽調
和臟腑強盛邪魅安得而干之若攝理失節血氣虛衰
則鬼邪干其正隱蔽而不欲見人時獨言笑忽時悲泣
是其候也脈息遲伏或如鳥啄或綿綿而來不知脈數
而面色不改亦其候也 薛前證多由七情虧損心血

神無所護而然宜用安神定志等藥則正氣復而神自安若脈來乍大乍小乍短乍長亦是鬼祟宜灸鬼哭穴以患人兩手指相並用線緊緊當合縫處半肉半甲間灼灸七壯若果是邪祟病者即乞求免灸云我自去矣

茯神散

大全下同

治婦人風虛與鬼交通妄有所見言語雜

亂

茯神

一兩半亦作茯苓

人參

石菖蒲

各一兩

赤小豆

半兩

右吹咀每服三大錢水一盞煎六分去滓食前溫服

一方加茯苓一兩

桃仁丸 治婦人與鬼魅交通

辰砂 檳榔 當歸 桃仁 各七錢半 水銀 二錢半 棗

盡麝香 阿魏 麵裹 沈香 各半兩

右為細末煉蜜丸如梧桐子大空心桃仁湯吞下十丸

辟瘟丹 治證同前

虎頭骨

半兩

朱砂

雄黃

雌黃

鬼臼

皂莢

蕪荑仁

鬼箭

黎蘆

各一兩

右件生為末煉蜜丸如彈子大囊盛一丸男左女右
繫臂上及用一丸當病人戶前燒之一切邪鬼不敢
近太乙神精丹

方見雜
病譫妄

蘇合香丸

方見雜
病卒中

皆可用
也

妙香散

治心氣不足精神恍惚夜夢顛倒與鬼交通

語言錯亂先宜服此補氣養血鎮心安神然後以前

後方治之

方見雜
病心痛

殺鬼雄黃散

治婦人與鬼交通

雄黃 丹砂

雌黃

各一兩
俱細研

羚羊角屑

蕪荑

虎頭骨

石菖蒲

鬼臼

鬼箭

白頭翁

石

長生

蒼朮

馬懸蹄

豬糞

各半
兩

右為細末以羊脂蜜蠟和搗為丸如彈子大每用一

丸當患人前燒之

別離散

治婦人風虛與鬼交通悲思喜怒心神不定

楊柳樹上寄生 白朮各一兩 桂心 茵芋 天雄

炮去皮臍 薊根 菖蒲九節者 細辛 附子炮去皮臍 乾薑炮各

兩半

右為細末每服一錢食前溫酒調下

朱砂散 治婦人風虛與鬼交通悲笑無恒言語錯亂
心神恍惚睡卧不安

朱砂細研水飛過 鐵粉各一兩 雄黃 龍骨各半兩 蛇蛻一尺

燒虎睛一對 牛黃 麝香各二錢半

右同研極細每服一錢以桃符湯調下不計時候
治女人與邪物交通獨言笑悲思恍惚者

用雄黃末一兩以松脂二兩鎔和虎爪攪令如彈丸
夜內火籠中燒之令女人踞坐其上以被自蒙惟出
頭目未瘥再作不過三劑自斷也

又方以安息香和臭黃合為丸燒熏丹穴永斷

又方

雄黃 人參

防風

各等
兩

五味子

合

右搗篩清旦以井華水服方寸匕三服瘥

治婦人夢與鬼交

鹿角為末三指撮和清酒服即出鬼精兼治漏下不
斷婦人為妖所魅迷惑不肯言狀以水服鹿角屑
方寸匕即言實也

桃梟一名桃奴是過年樹上不落乾桃子味苦微溫主殺
百鬼精物療中惡腹痛殺精魅五毒不祥正月採之

證治準繩卷六十三

欽定四庫全書

子部
證治準繩卷六十四

詳校官太醫院恩糧臣孔毓秀

編修臣倉聖脈覆勘

總校官進士臣朱鈐

校對官學正臣翁樹棠

謄錄監生臣羅善慶

欽定四庫全書

證治準繩卷六十四

明 王肯堂 撰

女科

胎前門

求子

胡氏孝曰男女交姁其所以凝結而成胎者雖不離乎精血猶為後天滓質之物而一點先天真一之靈氣萌

於情欲之感者妙合於其間朱子所謂稟於有生之初
悟真篇所謂生身受氣初者是也醫之上工因人無子
語男則主於精語女則主於血著論立方男以補腎為
要女以調經為先而又參之以補氣行氣之說察其脈
絡究其虧盈審而治之夫然後一舉可孕天下之男無
不父女無不母矣

診脉陳楚良曰人身氣血各有虛實寒熱之異惟察脉
可知舍脉而獨言藥者妄也脉有十二經應十二時一

日一周與天同運循環無端其至也既不宜太過而數數則熱矣又不宜不及而遲遲則寒矣不宜太有力而實實非正氣能自實也正氣虛而火邪來乘以實之也治法先當散鬱以伐其邪邪去而後正可補也不宜太無力而虛虛乃正氣正血虛也治法惟當補其氣血耳亦有男婦上熱下寒表實裏虛而未得子者法當臨睡時服涼膈之藥以清其上每晨食未入口時服補藥以溫其下暫進升散之藥以達其表久服厚味之藥以實

其裏又有女人氣多血少寒熱不調月水違期或先或後白帶頻下而無子者皆當診脉而以活法治之務欲使其夫婦之脉皆和平有力不熱不寒交合有期不妄用精必能生子子不殤死故欲得子者必須對脉立方因病用藥

仲男子脉浮弱而濇為無子精氣清冷 脉婦人少腹冷惡寒久年少者得之此為無子年大者得之絕產脉微弱而濇年少得此為無子中年得此為絕產 肥

人脉細胞有寒故令少子其色黃者胸上有寒 少陰
脉浮而緊緊則疝瘕腹中痛半產而墮傷浮則亡血絕
產惡寒

調經婁胎前之道始於求子求子之法莫先調經每見
婦人之無子者其經必或前或後或多或少或將行作
痛或行後作痛或紫或黑或淡或凝而不調不調則血
氣乖爭不能成孕矣詳夫不調之由其或前或後及行
後作痛者虛也其少而淡者血虛也多者氣虛也其將

行作痛及凝塊不散者滯也紫黑色者滯而挾熱也治
法血虛者四物氣虛者四物加參芪滯者香附縮砂木
香檳榔桃仁玄胡滯久而沉痼者吐之下之脉證熱者
四物加芩連脉症寒者四物加桂附及紫石英之類是
也直至積去滯行虛回然後血氣和平能孕子也予每
治經不調者只一味香附末醋為丸服之亦百發百中
也素問云督脉生病女子不孕

婦人經事不調即非受孕光景縱使受之亦不全美宜

服六味地黄丸

熟地黄

四兩

山茱萸肉

山藥

各二兩

牡丹皮

白茯苓

各一兩五錢

澤瀉

香附米

童便浸

一兩 蘄艾葉

去筋醋煮五錢

右為末煉蜜丸如梧子大每服七十九白沸湯送下

隨後證作湯使或另作煎劑服經水過期者乃血虛

也宜四物湯加參芪陳皮白朮服之若肥白人是痰

多宜二陳加南星蒼朮滑石芎歸香附之類 經水

不及期者血熱也四物加芩連肥人亦兼痰治色紫

黑者同血熱論 經將行而作痛者氣滯也用歸身

尾香附米及桃仁紅花黃連以行之或加四物莪朮

玄胡索木香熱加黃芩柴胡 經行後作痛者血氣

虛也八物湯

丹婦人肥盛者多不能孕育以身中有脂膜閉塞子宮

以致經事不行瘦弱婦人不能孕育以子宮無血精氣不

聚故也肥人無子宜先服調理藥 當歸 一兩 茯苓 二兩

川芎 七錢 芍藥 白朮 半夏 湯洗 香附米 陳皮

甘草

各一兩

作十貼每貼薑三片水煎吞後九子

白朮

二兩

半夏麴

川芎

香附米

各一兩

神麴

炒

茯苓

各半兩

橘紅

四錢

甘草

二錢以上

並為末

粥九每服八

十九如熱多加黃連

枳實

各一兩

服前藥訖却服

後蝨斯九

附子

茯苓

各六錢

厚朴

杜仲

桂

心秦朮

白薇

半夏

乾薑

牛膝

沙參

各二錢

人參

四錢

細辛

五錢

右為末煉蜜和九小豆大每服五九空心酒下加至

十九不妨覺有孕三月後不可更服忌食牛馬肉則難產

按此方即秦桂丸也丹溪忌服之者蓋忌於瘦人無血者若肥人濕多者又兼前調理藥而所服丸數十減其九只服五分無妨也上三方得之於丹溪之子朱懋誠者累試有效

抑氣散 治婦人氣盛於血所以無子尋常頭眩暈膈

滿體疼怔忡皆可服

香附子

炒淨
二兩

陳皮

焙二
兩

茯神

甘草

炙各一兩

右為細末每服二三錢不拘時白湯調下

海大五補丸

天門冬

麥門冬

去心

菖蒲

茯苓

人

參益智

枸杞子

地骨皮

遠志肉

熟地

黃

各等分

右為細末煉蜜丸如桐子大空心酒下三十九服本方數服後以七宣丸泄之

增損三才丸

天門冬

酒浸去心

熟地黃

酒蒸

人參

去蘆

遠志

去骨

五味子

茯苓

酒浸鹿茸炙酥

一法加白馬莖

炙酥

一法加麥門冬令人有力

一法加續斷以續筋

骨 一法加沉香煖下焦虛冷

右為細末煉蜜和杵千下九如桐子大每服五十丸

空心好酒下年老欲補加混元衣全個入藥

混元衣者是胎

衣頭生兒者方佳用酒浸晒乾細剉為末

紫石門冬丸

又名紫石英丸

紫石英

鍾乳石

舊管通明者二味各七日

研之得上浮即熟

天門冬

已上各三兩

當歸

芳藟

紫葳

卷柏 肉桂 乾地黄 牡蒙 禹餘糧煨醋 石

斛

辛夷

以上各二兩

人參

桑寄生

續斷

細辛

厚朴

薑製

乾薑

食茱萸

艾葉

白薇

薯蕷

烏鰂骨

甘草

炙以上各一兩半

柏子仁

一兩

右件搗羅為末煉蜜丸如梧子大酒服十九三日漸增至三十九以腹中熱為度不禁房室夫行不在不可服禁如藥法比來服者不至盡劑即有娠 此方舊用烏頭牡丹牛膝據藥性此三物俱墮胎求子藥

中用之蓋胎未著之時若服之已著已著而未覺服之未已反為害也今悉去之增鍾乳艾葉白薇茲無疑矣

白薇丸 治婦人無子或斷緒上熱下冷百病皆主之

白薇 熟乾地黄

川椒

去目及閉口者微炒出汗

白龍骨

以上

各一兩 麥門冬

去心焙一兩半

藁本

卷柏

白芷

覆盆

子

桃仁

湯浸去皮尖雙仁麩炒微黃

人參

桂心

菖蒲

白茯苓

遠志

去心以上各七錢半

車前子

當歸

剉微炒

芩藟

蛇床子

細辛

乾薑

炮製各半兩

右件藥杵羅為末煉蜜為丸梧子大每服三十九空心日午以溫酒下 予之故友江君雅曾仲容俱無嗣因以此方贈之踰年而皆有子後有艾君肅黃翰公者亦然故述之

趙氏菝葐兔絲子丸

肉菝葐

一兩三錢

覆盆子

蛇床子

川芎

當歸

兔絲子

各一兩二錢

白芍藥

一兩二錢 牡蠣

固濟 煨烏賊魚骨

各八錢

五味子

防風

各六錢

條芩

五錢

艾葉

三錢

此方不寒不熱助陰生子前藥俱焙乾為末煉蜜丸如梧子大每服三四十丸青鹽湯下早晚皆可服

加味香附丸男服聚精丸女服此

香附一斤

四兩老酒浸兩

宿炒搗碎再焙乾磨為末

四兩用山梔四兩煎濃汁去

查入香附浸同上

澤蘭

淨葉六兩酒洗

海螵蛸

六兩搗碎炒

當歸

四兩酒洗

川芎

三兩

白芍藥

四兩酒炒

懷熟地

八兩搗膏焙乾

各為末用浮小麥粉酒醋水打糊為丸如菉豆大每

一日早晚服兩次忌食菜菔及牛肉生冷

調經丸

香附

半斤童便酒醋各浸一分生一分俱酒炒

川杜仲

薑汁炒半斤

大川芎

白芍藥

當歸

去尾懷生地

廣陳皮

小茴香

酒炒

延胡索

畧炒

肉蓯蓉

酒浸

舊青皮

麴炒

台烏藥

炒枯黃芩

酒炒

烏賊魚骨

酥炙以上各四兩

右十四味足秤真正好料醋和麵打糊為丸如梧子

大每服百丸空心好酒送下一方無陳皮地黃有

人參黃芪各二兩

正元丹 調經種子

香附

一斤同艾三兩先以醋同浸一宿然後分開製之酒

鹽酥童便各製四兩

阿膠

蛤粉炒二兩

枳殼

四兩半生用半麴炒

懷生地

酒洗

熟地

酒浸

當歸身

酒洗

川芎

炒各四兩

白芍藥

八兩半生用半酒炒

加白茯苓琥珀治帶

末之醋糊丸如桐子大空心鹽湯吞五六十丸

子和戴人過譙都營中飲會有一卒說出妻事戴人問其故答曰吾婦為室女時心下有冷積如覆盆按之如水聲以熱手熨之如冰娶來已十五年矣恐斷吾嗣是

以去之戴人曰公勿黜也如用吾藥病可除孕可得卒
從之戴人診其脉寸脉沉而遲尺脉洪大有力非無子
之候也可不逾年而孕其良人嘆曰試之先以三聖散
吐涎一斗心下平軟次服白朮調中湯五苓散後以四
物湯和之不再月氣血合度數月而娠一子戴人常曰
用吾此法無不子之婦此言不誣 一婦人年三十四
歲夢與鬼神交驚怕異常及見鬼神堂陰司舟楫橋梁
如此一十五年竟無妊娠巫祈覲禱無所不至鑽肌灸

肉孔穴萬千黃瘦發熱引飲中滿足腫委命於天一日
苦請戴人戴人曰陽火盛於上陰水盛於下見鬼神者
陰之靈神堂者陰之所舟楫橋梁水之用兩手寸脉皆
沉而伏知胸中有實痰也凡三湧三泄三汗不旬日而
無夢一月而有娠

大盪胞湯 治婦人立身以來全不產育及斷絕久不

產三十年者宜服 朴硝 牡丹皮 當歸 大黃

蒸一桃仁去皮尖 細辛 厚朴薑汁 桔梗 赤芍
飯久各三兩

藥 人參 茯苓 桂心 甘草 牛膝去苗 陳橘

皮

以上各二兩

附子

炮一兩半

蝨蟲

去翅足炒焦

水蛭

炒枯各十枚

右件以清酒五升水六合煮去三升分四服日三夜
一每相去三辰少時更服如常覆被少時取汗汗不
出冬月着火籠必下積血及冷赤膿如赤小豆汁本
為婦人子宮內有此惡物冷然或天陰臍下痛或月
水不調為有冷血不受胎若斟酌下盡氣久弱大困
不堪更服亦可二三服即止如大悶不堪可食酢飲

冷漿一口即止然恐去惡物不盡不大得藥力若能忍服盡大好一日後仍著坐導藥

坐導藥 治全不產及斷緒服前益胞湯惡物不盡用

此方

皂角

子去皮

吳茱萸

當歸

各二兩

細辛

去苗

五味

子

乾薑

炮各一兩

黃葵

白礬

枯

戎鹽

蜀椒

各半兩

兩

右為細末以絹袋大如指長三寸餘盛藥令滿縛定納婦人陰中坐卧任意勿行走小便時去之更安一

日一度易新者必下清黃冷汁汁盡止若未見病出
可十日安之本為子宮有冷惡物故令無子值天陰
冷則發疼痛須候病出盡方已不可中輟每日早晚
用黃菜煎湯薰之

丹秦桂丸論 無子之因多起於婦人醫者不求其因
起於何處遍閱古方惟秦桂丸其辭確其意專用溫熱
藥近乎人情欣然受之銳然服之甘受燔灼之禍猶惜
然不悔何者陽精之施陰血能攝之精成其子血成其

胞胎孕乃成今婦人之無子者率由血少不足以攝精也血之少也固非一端然欲得子者必須調補陰血使無虧欠乃可推其有餘以成胎孕何乃輕用熱劑煎熬臟腑血氣沸騰禍不旋踵矣或曰春氣溫和則萬物發生冬氣寒慄則萬物消隕非秦桂丸之溫熱何以得子臟溫暖而成胎耶予曰詩曰婦人和平則樂有子和則血氣均平則陰陽不爭今得此藥經血必轉紫黑漸成衰少或先或後始則飲食驟進久則口苦而乾陰陽不

平血氣不和疾病蜂起焉能成胎縱然成胎生子亦

多病而不壽以秦桂丸耗損天真之陰也戒之慎之按秦

桂丸施於肥人而少其九數兼服調理補藥亦無妨但忌施於瘦人火多者也

東婦人無子胞門

在關內左邊二寸灸五十壯

又法氣門

在關元傍各開三寸

灸五十壯

集又法子宮

在中極傍各開三寸針入二寸灸三七壯

中極

垣又法關元

二十壯三報穴

甲絕子灸臍中令人有子女子手脚拘攣腹滿疝月水

不下乳餘疾絕子陰痒陰交主之 腹滿疝積聚餘疾

絕子陰痒刺石門

千金云奔豚上少腹堅痛下引陰中不得小便

女子絕子

血血在內不下關元主之

千金云轉胞不得溺小腹滿名石水痛

婦人

子門不端少腹苦寒陰痒及痛經閉不通中極主之

婦人無子油泉主之

大疝絕子築賓主之

絕子商

丘主之

穴在內踝前宛宛中

婦人絕產若未曾產陰廉主之

刺入

分半灸
下一寸

養精表了凡先生云聚精之道一曰寡慾二曰節勞三

曰息怒四曰戒酒五曰慎味今之談養生者多言採陰補陽久戰不泄此為大謬腎為精之府凡男女交接必擾其腎腎動則精血隨之而流外雖不泄精已離宮未能堅忍者亦必有真精數點隨陽之痿而溢出此其驗也如火之有烟焰豈有復反於薪者哉是故貴寡慾精成於血不獨房室之交損吾之精凡日用損血之事皆當深戒如目勞於視則血以視耗耳勞於聽則血以聽耗心勞於思則血以思耗吾隨事而節之則血得其養

而與日俱積矣是故貴節勞主閉藏者腎也司疎泄者肝也二藏皆有相火而其系上屬於心心君火也怒則傷肝而相火動動則疎泄者用事而閉藏不得其職雖不交合亦暗流而潛耗矣是故當息怒人身之血各歸其舍則常凝酒能動血人飲酒則面赤手足俱紅是擾其血而奔馳之也血氣既衰之人數月無房事精始厚而可用然使一夜大醉精隨薄矣是故宜戒酒內經云精不足者補之以味然醲郁之味不能生精惟恬淡之味

乃能補精耳蓋萬物皆有真味調和勝而真味衰矣不
論腥素淡煮之得法自有一段冲和恬澹之氣益人腸
胃洪範論味而曰稼穡作甘世間之物惟五穀得味之
正但能淡食穀味竅能養精又凡煮粥飯而中有厚汁
滾作一團者此米之精液所聚也食之竅能生精試之
有效 煉精有訣全在腎家下手內腎一竅名玄關外
腎一竅名牝戶真精未洩乾體未破則外腎陽氣至子
時而興人身之氣與天地之氣兩相脗合精洩體破而

吾身陽生之候漸晚有丑而生者次則寅而生者又次則卯而生者有終不生者始與天地不相應矣煉之之訣須半夜子時即披衣起坐兩手搓極熱以一手將外腎兜住以一手掩臍而凝神於內腎久久習之而精旺矣

葆真丸 專治九醜之疾言莖弱而不振振而不豐豐而不循循而不實實而不堅堅而不久久而無精精而無子謂之九醜之疾此藥補十二經絡起陰發陽

能令陽氣入胸安魂定魄開三焦積聚消五穀進食

強陰益子精安五臟除心中伏熱強筋骨輕身明目

去冷除風無所不治此藥平補多服常服最妙七十

歲老人尚能育子非常之力及治五勞七傷無子嗣

者鹿角膠

半斤剉作豆大就用鹿角霜拌炒成珠研細

杜仲

去粗皮切碎用生薑

汁一兩同蜜少許拌炒斷絲三兩

乾山藥

白茯苓

去粗皮人乳拌晒乾凡五

七次熟地黄

各二兩

兔絲子

酒蒸搗焙

山茱萸肉

各一兩半

北五

味子

川牛膝

去蘆酒蒸

益智仁

去殼

遠志

泔煮去骨

小懷香

青鹽三錢同炒川棟子去皮核取川巴戟酒浸去心以破

故紙 胡蘆巴同故紙入羊腸內柏子仁去殼另

半兩川山甲酥炙沉香各三錢全蝎去毒一錢半

右件各製度為極細末以好嫩肉蓯蓉四兩酒洗淨去鱗甲皮垢開心如有黃白膜亦去之取淨二兩好酒煮成膏同煉蜜和前藥末搗千餘下丸如桐子大每服五十九淡秋石湯溫酒任下以乾物壓之漸加至百丸服七日四肢光澤唇臉赤色手足溫 and 面目

滋潤又能消食理脾輕身和氣語言清亮是其效也

千金種子丹 此方服之令人多子并治虛損夢遺白

濁脫卸

男子服

沙苑蒺藜

取淨末四兩如蠶種同州者佳再以重羅羅二兩極

細末二兩粗末用水一大碗熬膏伺候

蓮鬚

四兩極細末金色者固精紅色者敗精 山

萸肉

極細末三兩須得一斤用鮮紅有肉者佳去核取肉製末

覆盆子

南者佳去核取

細末

雞頭實

五百個去殼如大小不一等取細末四兩

龍骨

五錢五色者佳火煨

煨法以小砂鍋入龍骨鍋內連鍋煨通赤去火毒方用

右用伏蜜一斤煉以紙粘去浮沫數次無沫滴水成

成珠者伺候止用四兩將前五味重羅過先以蒺藜膏和作一塊再入煉蜜石臼內搗千餘下丸如豌豆大每服三十九空心鹽湯送下忌慾事二十日此藥延年益壽令人多子不可盡述

聚精丸

男服

黃魚鰾膠

白淨者一斤切碎用蛤粉炒成珠以無聲為度

沙苑蒺

藜

八兩馬乳浸兩宿隔湯蒸一炷香久取起焙乾

右為末煉蜜丸如梧子大每服八十九空心溫酒白湯任下忌食魚及牛肉

五子衍宗丸 男服此藥添精補髓利腎氣不問下

焦虛實寒熱服之自能平秘舊稱古今第一種子方

有人世服此藥子孫蕃遂成村落之說嘉靖丁亥於

廣信鄭中丞宅得之張神仙四世孫子及數人用之

殊驗 甘州枸杞子 兔絲子 酒蒸搗成餅各八兩 遼五味子

一兩 覆盆子 四兩酒洗去目 車前子 炒二兩

右五品俱擇道地精新者焙晒乾共為細末煉蜜丸如梧子大每服空心九十九上牀時五十九白沸湯

或鹽湯送下冬月用溫酒送下修合日春取丙丁巳
午夏取戊己辰戌丑未秋取壬癸亥子冬取甲乙寅
卯忌師尼鰥寡之人及雞犬六畜見之

十子丸 四明沈嘉則無子七十外服之連舉子

槐角子

和何首烏
蒸七次

覆盆子

枸杞子

去枯者
及蒂

桑椹

子冬青子

四味共蒸
各四兩

兔絲子

製去殼
酒蒸

柏子仁

酒浸

蒸沒石子

照雷公製蛇床子

蒸北五味子

去枯者打碎
蜜蒸以上各

二兩

右為末煉蜜丸如梧桐子大每服五六十丸淡鹽湯下
乾點心壓之

趙氏加味六子丸

兔絲子

淘洗酒蒸

川牛膝

去蘆酒蒸

麥門冬

去心酒蒸

山茱萸

取肉

原蠶蛾

五味子

各一兩三錢

蛇床子

酒蒸一兩六錢

車前子

淘洗一兩七錢

大甘草

炙一兩

沙苑蒺藜

馬乳

酒浸 覆盆子

各二兩二錢

破故紙

二兩三錢淘沙炒

肉蓯蓉

二兩五錢

酒浸 去鱗

腎雖屬水不宜太冷精寒則難成孕如天地寒涼則

草木必無萌芽也此方極意斟酌不寒不熱得其中和修合服之如一陽初動萬物化生二三月後必孕成矣前藥俱焙乾剉碎為末煉蜜丸如梧子大每服三十九或四十九清鹽湯送下早晚皆服

針灸治男子無子者用熟艾一團用鹽填臍滿却於鹽上隨鹽大小做艾丸灸之如痛即換鹽直至艾盡為度如一日灸不盡二三日灸之曾效

知時袁了凡先生云天地生物必有絪縕之時萬物化

生必有樂育之時如猫犬至微將受姪也其雌必狂呼而奔跳以綢緼樂育之氣觸之而不能自止耳此天然之節候生化之真機也世人種子有云三十時辰兩日半二十八九君須筭此特言其大槩耳非的論也丹經云一月止有一日一日止有一時凡婦人一月經行一度必有一日綢緼之候於一時辰間氣蒸而熱昏而悶有欲交接不可忍之狀此的候也於此時逆而取之則成丹順而施之則成胎矣其曰三日月出庚又曰溫溫

鉛鼎光透簾幃皆言其景象也當其慾情濃動之時子宮內有如蓮花蕊者不拘經淨幾日自然挺出陰中如蓮蕊初開內人洗下體以手探之自知也但含羞不肯言耳男子預蜜告之令其自言一舉即中矣

成胎丹溪云成胎以精血之後先分男女者褚澄之論也愚竊惑焉後閱東垣方有曰經水斷後一二日血海始淨精勝其血感者成男四五日後血脉已旺精不勝血感者成女此論亦為未瑩何以言之易曰乾道成男

坤道成女夫乾坤陰陽之性情也左右陰陽之道路也
男女陰陽之儀象也父精母血因感而會精之泄陽之
施也血能攝之陰之化也精成其骨此萬物之資始於
乾元也血成其胞萬物之資生於坤元也陰陽交媾胎
孕乃凝胎之所居名曰子宮一系在下上有兩歧一達
於左一達於右精勝其血及剛日陽時感者則陽為之
主受氣於左子宮而男形成精不勝血及柔日陰時感
者則陰為之主受氣於右子宮而女形成或曰分男分

女吾知之矣其有雙胎者將何如曰精氣有餘岐而分之血因分而攝之故也若夫男女同孕者剛日陽時柔日陰時感則陰陽混雜不屬左不屬右受氣於兩岐之間者也亦有三胎四胎五胎六胎者猶是而已或曰其有男不可為父女不可為母與男女之兼形者又若何而分之耶予曰男不可為父得陽道之虧者也女不可為母得陰道之塞者也兼形者由陰為駁氣所乘而為狀不一以女兼男形者有二一則遇男為妻遇女為夫

一則可妻而不可夫又有下為女體上具男之全形此又駁之甚者也或曰駁氣所乘獨見於陰而所成之形又若是之不同邪予曰陰體虛駁氣易於乘也駁氣所乘陰陽相混無所為主不可屬左不可屬右受氣於兩岐之間隨所得駁氣之輕重而成形故所兼之形有不可得而同也 婁全善云丹溪此論極造精微發前人之未發是知男女之分已定於萬物資始乾元之際陰陽交媾之時昧者不悟是理妄有轉女為男之法惑矣

夫萬物皆資始於乾元獨男女之分不資始於乾元乎
袁先生云巢氏論婦人妊娠一月名胎胚足厥陰脉
養之二月名始膏足少陽脉養之三月名始胎手心脉
養之四月始受水精以行血脉手少陽脉養之五月始
受火精以成其氣足太陰養之六月始受金精以成其
筋足陽明脉養之七月始受木精以成其骨手太陰脉
養之八月始受土精以成膚革手陽明脉養之九月始
受石精以成毛髮足少陰脉養之十月臟腑關節人神

俱備此其大略也若求其細則受胎在腹七日一變展轉相成各有生相大集經備矣今婦人墮胎在三月五月七月者多在二六月者少臟陰而腑陽三月屬心五月屬脾七月屬肺皆在五臟之脉陰常易虧故多墮耳如昔曾三月墮胎則心脉受傷須先調心不然至三月復墮昔曾五月墮胎則脾脉受傷後至五月復墮宜先治脾惟有一月之內墮胎則人皆不知有胎但不知受妊不知其受而墮也一月屬肝怒則墮多洗下體則竅

開亦墮一次既墮則肝脉受傷他次亦墮今之無子者大半是一月墮胎非盡不受姓也故凡初交之後最宜將息勿復交接以擾其子宮勿令怒勿令勞勿令舉重勿令洗浴而又多服養肝平氣之藥胎可固矣 程鳴謙云褚澄氏言男女交合陰血先至陽精後衝而男形成陽精先入陰血後參而女形成信斯言也人有精先洩而生男精後洩而生女者獨何歟東垣曰經水纔斷一二日血海始淨感者成男四五日血脉已旺感者成

女至六七日後則雖交感亦不成胎信斯言也人有經始斷交合生女經久斷交合生男者亦有四五日以前交合無孕八九日以後交合有孕者獨何歟俞子木撰廣嗣要略著方立圖謂實陽能入虛陰實陰不能受陽即東垣之故見也又謂微陽不能射陰弱陰不能攝陽信斯言也世有尪羸之夫怯弱之婦屢屢受胎雖欲止之而不能止者亦有血氣方剛精力過人顧乃艱於育嗣而莫之救者獨何歟朱丹溪論專治以婦人經水為

主然富貴之家侍妾已多其中寧無月水當期者乎有
已經前夫頻頻生育而娶此以圖其易者顧亦不能得
胎更遣與他人轉盼生男矣豈不能受孕於此而能受
孕於彼乎愚以為父母之生子如天地之生物易曰坤
道其順乎承天而時行夫知地之生物不過順承乎天
則知母之生子亦不過順承乎父而已知母之順承乎
父則種子者果以婦人為主乎以男子為主乎然所謂
主於男子者不拘老少不拘強弱不拘康寧病患不拘

精易洩難洩只以交感之時百脉齊到為善耳交感而百脉齊到雖老雖弱雖病患雖易洩亦可以成胎交感而百脉參差雖少雖強雖康寧雖難洩亦難以成胎矣婦人所構之血固出於百脉合聚較之男子之精不能無輕重之分也孔子贊乾元資始曰大贊坤元資生曰至得無意乎若男女之辨又不以精血先後為拘不以經盡幾日為拘不以夜半前後交感為拘不以父強母弱母強父弱為拘只以精血各由百脉之齊到者別勝

負耳是故精之百脉齊到有以勝乎血則成男矣血之百脉齊到有以勝乎精則成女矣至有既孕而小產者有產而不育有育而不壽者有壽而黃耆無疆者則亦精血之堅脆分為修短耳世人不察其精血之堅脆已定於稟受之初乃以小產專責之母以不育專付之兒以壽夭專諉之數不亦謬乎

候胎

診婦人懷軀七月而不可知時時衄血而轉筋者此為

軀也血時噫而動者非軀也 素問云婦人足少陰脉

動甚者姪子也

平人氣象論作足少陰玉水

謂太溪脉也全元起本作手太陰當從全本

王註云動脉者如豆厥厥動搖也一說動甚謂動搖太甚也

陰搏陽別謂之有子

陰陽

別論 王註云陰謂尺中也搏謂搏觸於手也尺脉搏擊與寸脉殊別則為有孕之兆

脉姪娠初時寸微小呼吸五至三月而尺數也脉滑疾

重以手按之散者胎已三月也脉重手按之不散但疾

不滑者五月也

此即陰搏陽別之義言尺脉滑數寸脉微小而尺與寸脉別者孕脉也

尺脉左偏大為男右偏大為女左右俱大產二子大者

如實狀

亦陰搏陽別之義謂尺脈實大與寸脈殊別但分男左女右也

婦人妊娠四

月欲知男女法左疾為男右疾為女俱疾為生二子

王

耳云妊娠三部俱滑而疾在左為男在右為女

遣妊娠人面南行還復呼之

左迴首者是男右迴首者是女 看上圓時夫從後急

呼之左迴首者是男右迴首者是女也 婁全善云按

丹溪云男受胎在左子宮女受胎在右子宮斯言大契

是說也蓋男胎在左則左重故回首時慎護重處而就

左也女胎在右則右重故回首時慎護重處而就右也

推之於脉其義亦然胎在左則血氣護胎而盛於左故脉亦從之而左疾為男左大為男也胎在右則血氣護胎而盛於右故脉亦從之而右疾為女右大為女也亦猶經云陰搏陽別謂之有子言受胎處在臍腹之下則血氣護胎而盛於下故陰之尺脉鼓搏有力而與陽之寸脉殊別也又如癰癰發上則血氣從上而寸脉盛發下則血氣從下而尺脉盛發左則血氣從左而左脉盛發右則血氣從右而右脉盛也丹溪以左大順男右大

順女為醫人之左右手蓋智者之一失也

診婦人有姪歌 肝為血兮肺為氣血為榮兮氣為衛

陰陽配耦不參差兩臟通和皆類例血衰氣王定無孕

血王氣衰應有體

肝藏血為榮屬陰肺主氣為衛屬陽陰陽配耦者是夫婦匹配耦合構精

乃有子也若血少氣盛則無

寸微關滑尺帶數流利往

來并雀啄小兒之脉已見形數月懷眈猶未覺

寸脉微關脉滑

尺脉帶數及流利雀啄皆是經脉閉塞不行成胎已上之脉皆是血多氣少之脉是懷小兒之脉已見形狀也

左疾為男右為女流利相通速來去兩手關脉大相應

已形亦在前通語

左手脉疾為懷男右手脉疾為懷女及兩脉流行滑利相通疾速來去是

或兩手關部脉洪大相應是其胎已有形狀也

左手帶縱兩箇兒

縱者夫行乘妻水行乘火

金行乘木即鬼賊脉也名曰縱見在左手則懷兩箇男兒也

右手帶橫一雙女

橫者妻乘

夫也是火行乘水木行乘金即所勝脉也名曰橫見於右手則懷一雙女子也

左手脉逆生三

男

逆者子乘母也是水行乘金火行乘木即已生脉也名曰逆見于右手則懷三箇男兒也

右手脉

順還三女

順者母乘子也是金行乘水木行乘火即已之脉也名曰順見於右手則懷三箇女兒

也寸關尺部皆相應一男一女分形證

寸關尺部脉大遲疾相應者

是懷一男一女形證之脉也謂關前為陽關後為陰陰陽脉相應故懷一男一女也

有時子死母

身存或即母亡存子命

此二句之文無辨
子母存亡之法

往來三部通

流利滑數相參皆替替陽實陰虛脉得明遍滿胸膛皆

逆氣

若寸關尺三部通行流利皆替替有力而滑數皆
陽實陰虛之脉主妊婦逆氣遍滿胸膛而不順也

左手太陽浮大男

左手寸口為太陽其脉
浮大則是懷男之脉

右手太陰沉

細女

右手寸口為太陰其
脉沉細是懷女脉也

諸陽為男諸陰女指下分明

長記取

諸陽脉皆為男即浮大疾數滑實之類是也當
懷男子諸陰脉者即沉細之類是也當懷女子

三部沉正等無絕尺內不止真胎婦

寸關尺三部脉沉
浮正直齊等舉按

無絕斷及尺內舉按不
止住者真的懷胎婦也

夫乘妻兮縱氣霧

經云縱者夫
乘妻也水行

乘大金行乘木即鬼賊脉也縱氣霧露露也又上下也
謂夫之陽氣乘妻之陰氣二氣上下相逐如霧潤結子
也

妻乘夫兮橫氣助

橫者妻乘夫也見前註謂兩旁橫氣相佐助也

子乘母兮

逆氣參

逆者子乘母也謂子氣犯母氣相乘逆行之氣相參合也

母乘子兮順氣護

是母氣乘於子氣為順氣相護衛也凡胎聚縱橫逆順四氣以榮養方以成形也

小兒日足胎

成聚身熱脉亂無所苦

婦人懷小兒五箇月是以數足胎成就而結聚也必母身體壯熱當

見脉躁亂非病苦之證謂五月胎已成受火精以成氣故身熱脉亂是無病也

汗出不食吐逆

時精神結備其中佳

謂妊娠受五行精氣以成形稟二經以榮其母懷妊至五月其胎雖

成其氣未備故胎氣未安上衝心胸則汗出不食吐逆名曰惡阻俗呼選飯唯思酸辛之味以調胎氣也

疾不散三月胎

姓娠三月名始胎此是未有定儀心胞脉養之故脉見滑疾流利為少氣多血

不散為血氣盛則始結為胎也

但疾不散五月母

其脉但疾數而不散者是五箇月懷胎之

也弦緊牢強滑利安沉細而微歸泉路

孕婦之脉宜弦緊牢強滑利為

安吉之脉若沉細而微謂脉與形不相應故云死也前文雖云太陰沉細又云諸陰為女其說似有相違謂三部脉皆不沉細及微故不同也

驗胎法海神方驗胎散

婦人三兩個月月經不行疑

是兩身却疑血滯心煩寒熱恍惚此藥可驗取之內

也外已身有病無邪脉以素問脉法推之十得八九

矣

真雀腦芳

一兩當歸全用重一兩者只用七錢

右為細末分作兩服濃煎好艾湯一盞調下或好酒調服亦可待三兩箇時辰覺腹臍微動仍頻即有胎也動罷即愈安穩無虞如不是胎即不動所滯惡物自行母亦安也如服藥不覺效再煎紅花湯調下必有神效

靈苑治婦人經脉住三箇月驗胎法真川芎為細末濃

煎艾湯下一匕投腹內漸動是有胎也

探胎散 婦人胎氣有無疑惑之間以此探之有胎則

吐無則不吐

皂角

去皮

甘草

炙各一錢

黃連

半錢

右為細末作一服溫酒調服

博陵醫之神者曰郝翁士人陳堯遵妻病衆醫以為勞傷郝曰亟屏藥是為娠證且賀君得男子已而果然又二婦人姓一暗嘿不能言郝曰兒胎大經壅兒生經行則言矣不可毒以藥一極壯健郝診其脉曰母氣已

死所以生者反恃兒氣耳如期子生母死

孕婦不語非病也聞如此

者不須服藥臨產日但服保生九四物湯之類產後便語亦自然之理非藥之力也

一婦暴渴

惟飲五味汁名醫耿隅診其脉曰此血欲凝非疾也已

而果孕古方有血欲凝而渴飲五味之證不可不知也

潘璟診虞部員外郎張咸之妻孕五歲南陵尉富昌

齡妻孕二歲團練使劉彝孫妾孕十有四月皆未育溫叟

視之曰疾也凡醫妄以為有孕爾於是與破血攻毒大

劑飲之虞部妻墮肉塊百餘有眉目狀昌齡妻夢二童

子色漆黑倉卒怖悸疾走而去孫妾墮大蛇猶蜿蜒未死三婦皆無恙

陳斗崑治葉南洲妻經閉五月下白或赤午後發熱咳嗽嘔吐醫云勞瘵陳視曰兩尺脉皆實此必有孕外受風邪搏激故耳飲清和之劑而安半年生一子

胎產大法

潔治胎產之病從厥陰經論之無犯胃氣及上三焦謂之三禁不可汗不可下不可利小便發汗者同傷寒下

早之證利大便則脉數而已動於脾利小便則內亡津液胃中枯燥製藥之法能不犯三禁則榮衛自和而寒熱止矣如發渴則白虎氣弱則黃耆血刺痛而和以當歸腹中疼而加之芍藥大抵產病天行從增損柴胡雜證從增損四物宜詳察脉證而用之大抵外則和於榮衛內則調於清便同傷寒壞證治之李仲南胎前病惟當安胎順氣若外感四氣內傷七情以成他病治法與男子無異當於各證類中求之但胎前治他證者

動胎之劑切須審詳爾

丹胎前當清熱養血 產前安胎白朮黃芩妙藥也

胎前將臨月以三補丸加炒香附炒白芍藥蒸餅丸服

又抑熱以三補用生地黄膏丸

芩連藥為末
地黄膏丸之

有孕

八九箇月必順氣枳殼蘇莖 胎前至八月因火動

胎逆上作喘急者可用條芩香附之類為末調下條芩

於水中沉取重者用之 固胎地黄半錢當歸身尾人參

白芍陳皮各一錢白朮一錢半甘草三分黃芩川芎各

半錢黃連炒蘼各少許桑上羊兒藤

即金銀花

七葉完者糯

米十四粒咬咀煎服血虛不安者用阿膠痛者用縮砂

行血氣故也

夷堅志云政和中蔡魯公之孫婦有孕及期而病國醫皆以為陽證傷寒懼胎墮不敢投以涼劑張銳至視之曰兒處胎十月將生矣何藥之能敗即以常法與藥使倍服之半日而兒生病亦失去明日其婦大泄而喉閉不入食衆醫復指其疵且曰二疾如水炭又產蓐甫近

雖司命無如之何矣張曰無庸憂也將使即日愈乃取藥數十粒使吞之咽喉即通下泄亦止及滿月魯公酌酒為壽曰君術通神吾不敢知敢問一藥而愈二疾何也張曰此於經無所載特以意處之向者所用藥乃附子理中丸裹以紫雪爾方喉閉不通非至寒藥不為用既以下咽則消釋無餘其得至腹中者附子力也故一服而兩疾愈公大加嘆異

汪機治一婦常患橫生逆產七八胎矣子皆不育汪診

脉皆細澁頗弦曰此氣血兩虛兼熱也或曰氣血有餘
方成妊娠氣血既虧安能胎耶汪曰觀其形長瘦而脉
細濡屬於氣血兩虛色青脉弦屬於肝火時熾而兩尺
浮滑似血虛為輕而氣虛為重也宜以補陰丸除陳皮
倍加香附參芪蜜丸服之常令接續踰年臨產果順而
育一子

保生丸

方局

養胎益血安和子臟治妊娠將理失宜或因

勞役胎動不安腰腹痛重胞阻漏胎惡露時下子臟

挾疾久不成胎或受妊不能固養痿燥不長過年不
產日月雖滿轉動無力或致損墮及臨產節適乖宜
驚動太早產時未至惡露先下胎胞枯燥致令產難
或橫或逆痛極悶亂連日不產子死腹中腹上冰冷
口唇青黑吐出冷沫新產惡血上衝運悶不省喘促
汗出及瘀血未盡臍腹疔痛寒熱往來或因產勞損
虛羸未復面黃體瘦心忪盜汗飲食不進漸成蓐勞
八月常服壯氣養胎正順產理潤胎易產產後常服

滋養血氣和調陰陽密腠理實腑臟治風虛除痼冷

大麻仁

去殼一兩半

貝母

黃芩

大豆黃卷

粳米

甘草

炙微赤

乾薑

炮

肉桂

去粗皮

石斛

去根

石膏

細研

秦椒

微炒出汁各一兩

當歸

去蘆炒半兩

右為細末煉蜜和丸如彈子大每服一九用溫酒或棗湯化下嚼嚥亦得空心食前服

交感地黃煎丸

治婦人產前產後眼見黑花或即發

狂如見鬼狀胞衣不下失音不語心腹脹滿水穀不

化口乾煩渴寒熱往來口内生瘡咽喉腫痛心虛忪悸夜不得眠產後中風角弓反張面赤牙關緊急崩中下血如豚肝狀臍腹疼痛血多血少結為癥瘕恍惚昏迷四肢腫滿產前胎不安產後血刺痛皆治之

生地黃

淨洗研以布絞汁留滓以生薑汁炒地黃滓以地黃汁炒生薑滓各至乾為度

生

薑

淨洗爛研以布絞汁留滓各二斤

當歸

去蘆

延胡索

拌糯米炒赤去米

琥

珀

別研各一兩

蒲黃

炒香四兩

右為末蜜丸彈子大當歸湯化一九食前服

琥珀丸

治婦人胎前產後百病及療三十六種血冷

七疝八瘕心腹刺痛卒中癰瘕半身不遂八風十二痺手足痠疼乳中毒結瘀血懷胎驚動傷犯不安死胎不出并胎衣不下並宜服之

琥珀

另研

辰砂

另研

阿膠

碎炒

五味子

揀淨

石斛

去根

附子

炮去

皮肉桂

去粗皮

沉香

不見火

川芎

各半兩

肉蓯蓉

酒浸炒

人

參

續斷

沒藥

研

牛膝

去蘆酒浸

當歸

去鬚炒

熟地黃

木香

不見火
各一兩

右為細末煉蜜為丸如彈子大每服一九空心煖酒
化下午後食前再服能生新血去惡血 若腹脇疼
痛繞臍如刀刺疼及嘔逆上氣築心痰毒不思飲食用
薑汁少許和酒化服 諸痢及赤白帶下血冷崩中
下血漏胎下血用生薑與艾剉炒令赤色入酒同煎
數沸去滓調服 泄瀉不止陳米飲化服 澁尿諸
淋煎通草燈心湯服 血暈不知人煎當歸酒調服
上熱下冷煎人參湯服 遍身虛腫水氣煎赤小

豆湯服 產內二毒傷寒及中風角弓反張如板硬
煎麻黃湯服以衣被蓋出汗 月經不通或間雜五
色頻併而下斷續不止飲食無味肌膚瘦劣面赤唇
焦乍寒乍熱四肢煩疼五心燥熱黑黥遍身血斑赤
腫走注及血風勞傷無力用童子小便入薑汁少許
調服常服以童便為妙若恐惡心和以半酒 如懷
胎婦於臨月一日一服至產下不覺疼痛或服至五
服十服日倍飲食是藥力也其功不能具述

龍鬚湯

治胎前產後身疼保室論云身疼者肌體不

實而受風邪客於經絡邪氣與正氣相搏交擊於骨肉之間故身疼而不動用龍鬚湯主之若妊娠而患身體疼者必因勞役過多致使然也不爾經絡受風寒愈痛九防風湯主之產者若因勞役身疼而不能動轉者良由產後百節開張血脉流走氣弱則骨肉之間血多凝滯是故百節經脉緊急腰背不能轉側手足不能動搖身熱若納炭頭如釘釘醫者不識妄

為傷寒發汗變生他證宜服此湯

黃芪

一兩
蜜炙

當歸

去蘆
酒浸

牛膝

洗去苗
酒浸一宿
急用酒蒸熟為度

白

木

防風

去蘆

獨活

去蘆

甘草

各二
錢半

右咬咀每服半兩水五盞生薑十片薤白一握同煎至三盞去滓不拘時服

佛手散

治產前產後腹痛體熱頭疼及纔產未進別

物即先服此藥逐敗血生新血能除諸疾

川芎

二兩

當歸

三兩

右為細末每服二錢水一盞酒二分同煎七分溫服
一方為粗末每服四錢水七分酒三分同煎至七
分熱服未產前先安排此藥將兩服藥煎之產了速
進之三日內日二服三日外一服 一方名芎歸湯
只此二味等分呔咀水煎專治失血傷胎去血產後
去血崩中去血金瘡去血拔牙去血不止一切去血
過多心煩眩暈悶絕不省人事頭重目暗舉頭欲倒
悉能治之若產後眩暈宜加芍藥服之 一名桂香

散治產後腹疼不可忍者加桂心等分酒與童子小便合煎服之立効 一名當歸湯治妊娘子死或未死胎動不安每服用酒水合煎連進數服胎若已死服之便下若未死其胎即安此經累効萬不失一

一名琥珀散臨月服之只縮胎易產兼治產後諸疾 一名羊肉湯治虛損羸乏腹中疔痛往來寒熱吸吸少氣不能支持頭眩自汗腹內拘急每服用精羊肉一兩生薑十片水二盞煎至六分溫服 一名君

臣散治婦人室女心腹疔痛經脉不調用水煎服

若妊婦胎氣不安產後諸疾加酒煎服 一名芎藭

散治婦人血氣上喘下腫二味等分為細末每服二

錢空心煎艾湯調下又治產後損身血衝心及腹脹

氣絕者神驗 難生倒橫子死腹中先用黑大豆一

大合炒熟水一盞入童子小便一盞藥末四錢同煎

至一盞以上分為二服未効再作 產後惡血注心

迷悶喘急腹痛依前用黑豆加生薑自然汁半合煎

服 治臟毒每服一錢半入炒槐花末半錢水一盞
煎至六分無時服三日取下血塊即愈 如產後頭
疼加荊芥煎如吐血亦宜服之 若產難多用百草

霜香白芷等分為末名烏金散每服二錢童子小便
好醋各一合沸湯浸服止一服見効甚者再服已分
免矣 一法以五積散加醋煎服亦能催生 崩中
漏下失血過多久不能止用芎歸湯療之不止者宜
以香附子炒去皮毛為細末每一兩入甘草末一錢

清米飲點服名順元湯 有白帶者於順元湯內加芍藥半兩或謂香附子耗氣則不然許學士謂滋血養氣婦人仙藥雖羸人亦宜服之 兼治男女吐衄便利及諸證失血用此藥佐以米飲九百草霜末每服百餘丸或以其他燒灰藥皆能作効不可遽以燥澀之劑止之必致壅遏腐敗變生他證大抵血不能行氣使之然者氣得其平則血循故道必無妄行之患矣香附子善能導氣用之勿疑也

返魂丹 治婦人胎前產後諸疾危證 用赤箭即野

天麻葉似艾葉開紫花如紅蓼花子名充蔚子又名
益母草又名大札又名貞蔚又名負擔端午日採取
陰乾用葉及花子以磁氣研為細末煉蜜和丸如彈
子大隨後治證嚼服其根燒存性為末酒調服功與
黑神散不相上下 如胎前臍腹作痛或作聲者溫
米飲化下 胎前產後臍腹刺痛胎動不安下血不
止水煎秦艽糯米湯下或當歸湯亦可 如產時先

用一九以童子小便化下安魂定魄自然氣血調順
諸病不生又能破血止痛養脉息調經絡溫酒下

產後胎衣不下血在胞中及橫生不順死胎經日不
下者脹滿腹中心悶心痛炒鹽湯下 產後中風牙

關緊急半身不遂失音不語童子小便無灰酒各半
下 產後咳嗽胸膈不利惡心口吐酸水面目浮腫
兩脇痛舉動失力者溫酒下 產後兩太陽痛呵欠

心冲氣短肌體羸瘦不思飲食血風身熱手足頑麻

百節疼痛溫米飲湯下 產後眼前黑暗血暈血熱

口渴煩悶如見鬼神狂言不省人事薄荷自然汁如
無生者濃煎薄荷湯下及童子小便酒各半亦可

產後面垢顏赤五心煩熱或結成血塊臍腹奔痛時
發寒熱有冷汗者童子小便酒各半下溫薄荷自然
汁亦可 產後餘血惡露不盡結滯臍腹刺痛惡物

上衝心胸生悶者童子小便酒各半下 產後大小

便不通煩躁口苦者薄荷自然汁下如無生者濃煎

薄荷湯下 產後瀉血者水煎棗湯下 產後白帶

下者煎膠艾湯下 月水不調溫酒下 血崩漏下

溫酒下 婦人久無子息溫酒下服之十九至二十

九亦能注喜 一子死腹中蓋因卒病臟腑熱極蒸

其胎是以子死也蓋子死不居子宮或墮胎於腹間

冷痛小便沫出腹脹四肢逆冷爪甲青者是也或臨

產之時此藥安魂定魄血氣自然調順諸疾不生破

血補虛止痛養血氣調經絡酒童子小便各七分化

下 二難產者胎以食母之血十月滿足則餘血結成塊俗呼為兒枕欲產之時血塊先動敗血裹其子是以難產或產後惡物不盡臍腹刺痛惡物上衝心胸主悶用童便酒各七分化下 三垢面顏赤胎衣不下既產了臟腑虛羸五心煩躁血流入衣中則難出發寒熱有冷汗出但去其敗血其衣自出如帶斷了服此藥下或橫生不順心悶欲死者童便酒各七分化下薄荷自然汁鹽湯亦可 四產後三日起卧

不得眼前黑暗生花蓋產後氣血未定運走五臟入
肝則目昏俗為暗風醫家以風治之或血熱口乾煩
渴心悶亂如見鬼神狂言妄語不省人事童便酒各
七分薄荷自然汁亦可 五產後口乾心悶及煩渴
者氣血未定即食熱麵積滯在內以致熱躁煩渴者
俗為胸膈壅盛或兩太陽穴痛呵欠怔忡氣短身體
羸瘦不思飲食血風身熱手足頑麻百節疼痛甚者
溫米飲童便各七分化下 六產後四肢浮腫及寒

熱者蓋因敗血流入五臟滲入四肢停留日久化為
膿狀氣喘或小便澀或咳嗽胸膈不利惡心口吐酸
水兩脇疼痛舉動乏力溫酒化下 七產後寒熱往
來蓋因敗血入心則熱入脾則寒狀如瘧臍腹作痛
或作聲溫米飲化下桂枝湯亦可 八產後中風牙
關緊急半身不遂失音不語童便酒各七分化下
九產後痢未經月滿或誤食物下與血相攻擊前所
積受濕以此敗血相攻棗湯下 十產後大便秘結

口苦煩渴非時不語乃敗血衝心蔽其心孔童便酒
各七分化下薄荷汁亦可 十一產後遍身疼痛百
節開張血乘虛流入腸中停留不散臍腹疼痛米飲
化下 十二產後崩中漏下不止蓋是傷酸物狀如
雞肝脊背倦悶煎糯米秦艽湯化下當歸桂枝湯亦
可 十三產後未經月滿血氣不通蓋是月水未還
或食熱麪壅結成塊喘嗽四肢無力多睡而汗出不
止月水不調為骨蒸勞便服此藥童便酒各七分化

下 十四產後吐逆不止蓋因敗血停於脾胃即發
吐逆胸膈虛脹俗為反胃溫酒化下 十五產後鼻
衄口乾舌黑蓋因心臟熱則舌黑鼻衄也童便酒各
七分化下 十六產後赤白帶下煎秦艽湯下 十
七產後氣急喉中貓聲者蓋因血敗衝心入喉中萬
無一瘥矣 十八產後中風者蓋因未經七日勞重
則百日之中傷房事中風初病之狀眼澁腰強筋急
角弓反張牙關緊急若此者皆自傷犯耳 十九產

後面色黑及遍身生黑靨者乃敗血入皮膚萬無一瘥矣

內灸散 治婦人產前產後一切血疾血崩虛憊腹脇
疔痛氣逆嘔吐冷血冷氣凝積塊硬刺痛泄下青白
或下五色腹中虛鳴氣滿堅脹滯血腰疼口吐青水
頻產血衰顏色青黃勞傷劣弱月經不調下血墮胎
血迷血暈血瘕時發疼痛頭目眩暈惡血上心悶絕
昏迷惡露不乾體虛多汗手足逆冷並宜服之

藿香葉

肉桂

去粗皮

熟乾地黃

洗焙

丁香皮

各一兩半

草

炙赤

山藥

當歸

去蘆洗

白朮

白芷

各一兩

藁本

去蘆

劉乾薑炮

川芎

黃芪

去蘆各二兩

木香

一兩

陳皮

去白四兩

白芍藥

十兩

茴香

一兩半

右剉散每服三錢水一大盞入生薑五片艾一團同煎至七分空心食前熱服為末溫酒調下亦得如產後下血過多加蒲黃煎服惡露不快加當歸紅花煎服水瀉加肉豆蔻末煎服嘔吐加藿香生薑煎服上

熱下冷加荊芥煎服但是腹中虛冷血氣不和並宜服產後每日一服則百病不生丈夫虛冷氣刺心腹疼痛尤宜服之

食忌一受孕之後切宜忌不可食之物非惟有感動胎氣之戒然於物理亦有厭忌者設或不能禁忌非特延月難產亦能令兒破形母損可不戒哉


食雞肉糯米合食令子生寸白蟲 食羊肝令子多厄 食鯉魚鱠及雞子令兒成疳多瘡 食犬肉令

子無聲音 食兔肉令子唇缺 食鼈令子項短及
損胎 食鴨子共桑椹同食令子倒生心寒 食螃
蜆令子橫生 食雀肉合豆醬食之令子面生黥黯
黑子 食豆醬合藿香食之墮胎食水漿絕產 食
雀肉令子無恥多淫 食山羊肉令子多病 食生
薑令子多指生瘡 食蝦蟇鯽魚令子瘖瘂 食驢
騾馬肉延月難產 如此之類無不驗者則知聖人
胎教之法矣

藥忌蜣蟻水蛭地膽蟲烏頭附子配天雄踰躑野葛螻
蛄類烏喙側子及蝨蟲牛黃水銀并巴豆大戟蛇蛻及
蜈蚣牛膝藜蘆并薏苡金石錫粉及雌雄牙硝芒硝牡
丹桂蜥蜴飛生及麤蟲代赭蚱蟬胡粉麝茸花薇薔草
三稜槐子牽牛并皂角桃仁蟻螬和茅根欖根硃砂與
乾漆亭長波硫菴草中藿麥藿茹蟹爪甲蝟皮赤箭赤
頭紅馬刀石蠶衣魚等半夏南星通草同乾薑蒜雞及
雞子驢肉兔肉不須供切須婦人產前忌此歌宜記在

心胸

起居忌便產須知云勿亂服藥勿過飲酒勿妄針灸勿向非常地便勿舉重登高涉險心有大驚犯之產難子疾病勿多睡卧時時行步體虛腎氣不足生子解顱腦破不合宜溫補脾胃不和榮衛虛怯子必羸瘦自家及鄰家修造動土犯其胎氣令子破形殞命刀犯者形必傷泥犯者竅必塞打擊者色青黯繫縛者相拘攣有此等驗如影響切宜避之



證治準繩卷六十四